



МЕСЯЦА ДЕКАБРЯ ВО 2-Й ДЕНЬ

Святаго пророка Аввакума

На Господи, воззвах: **стихиры пророка, глас 4.**

Подобен: Яко добля:

Аввакум чудный, / зарю Духа прием, / бысть
весь Божествен; / и судей нечестие, и суд
неправедный зря, / негодует, нрава показуя
правость Христа и Владыки, / боголюбезно
и теплою мыслию, / яко утесняемь, разгарается.

На Божественней стоя стражи, / честный Аввакум
слышаше таинство / к нам Твоего пришествия,
Христе, неизреченное / и проповедание Твое про-
рочествует явственнейше, / провидя и премудрыя
апостолы, якоже кони, / язык многоплеменных,
возмущающия море.

В Господе радуясь, Бозе Спасе твоём, /
Богоглаголивие славне, веселясь, / и тамо сущаго
сияния зарю прием / и светом Богодельным
мысленно просвещаемь, / память твою всепраздн-
ственную верою совершающия / напастей же и бед
твоими молитвами избави.

**Ины стихиры Богородицы,
глас и подобен тойже.**

(Аще аллилуия, сии стихиры поются прежде):

**Тучами Духа Святаго, Пречистая, / мою мысль
ороси, / Каплю рождающая — Христа — безмерную, /
беззакония земных щедротами омывшую, /**

изсуши́ источникъ страстѣй моихъ / и пото́ка сподо́би мя сла́дости / присноживо́тною Твоею моли́твою.

Под зѣмлю низвѣрженъ быхъ, / грехи́ умертвѣвша, душе́вными страстьми́ и телѣсными, / тѣмже тьмо́ю покрыва́юся отча́яния, / но воздвѣгни мя ны́не к жи́зни нетлѣнной, / путево́дящи мя к Вы́шнему оте́честву, / иде́же гласъ чистъ прѣзднующихъ / и иде́же светъ лица́ Твоего́, Христѣ́.

Яже́ Бо́га невместѣмаго во чре́во Твое́ вместѣвша́я, / человеколю́бно Челове́ка бѣвша́, / и на́ше смеше́ние из Тебе́ приѣмша́, / и обожи́вшаго я́ве, / не прѣзри мене́, Пречи́стая, ны́не скорбя́ща, / но ущѣдри вско́ре / и вся́кия вражды́ и вре́да лука́ваго свободи́.

Сла́ва, и ны́не, гласъ и подо́бен то́йже:

Тьма́ми, Пречи́стая, обеща́хся / пока́яние о моихъ сотвори́ти согреше́ниях, / но не оставя́ет мя неподо́бный мой злы́й обы́чай, / сего́ ра́ди вопи́ю Ти / и, припа́дая, молю́ся: / Ты́ мя, Влады́чице, изми́ тако́ваго томле́ния, / путево́дящи к лу́чшим / и спасе́ния близъ су́щим.

Крестобого́родиченъ. Подо́бен то́йже:

А́гница и Па́стыря, / Тя на Дре́ве я́ко ви́де, / А́гница ро́ждшая рыда́вше / и ма́терски Тебе́ веща́ше: / Сы́не Возжелѣ́нне, / ка́ко на Дре́ве Крестне́м пове́шен еси́, Долготерпели́ве? / ка́ко ру́ки и но́ги Тво́я, Сло́ве, / пригвозди́шася от беззако́нных / и Кро́вь Твою́ излия́л еси́, Влады́ко?

Тропа́рь, гласъ 2:

Проро́ка Твоего́ Авваку́ма па́мь, Го́споди, прѣзднующе́, / тем Тя мо́лим: / спаси́ ду́ши на́ша.

НА УТРЕНИ

Кано́н проро́ка, гласъ 4. Его́же краегране́сие: Тя́, проро́че Авваку́ме, пою́, блаже́нне. Феофа́ново.

Песнь 1

Ирмо́с: Воспою́ Тебе́, Го́споди Бо́же мой, / я́ко извѣл еси́ лю́ди из рабо́ты египетския́, / покры́л же еси́ колесни́цы фара́новы и си́лу.

Умудри мя, Господи Боже мой, / Твоего пророка Аввакума пети Божественнаго / и благодатию Твоею просвети, Блаже, сердце мое.

Докóле, Господи, пророк глаголет, возопию к Тебе, и не услышиши? / Вскую же ми показал еси судей нечестие?

Честную память твою, пророче, совершающия благочестно / твоими мольбами от бед избави / и лютых обстояний.

Богородичен: Бог Святы́й явися, внегда приблизится времени, / из Тебе, Богородице, быв Человек, / да спасет человека.

Песнь 3

Ирмос: Лук сильных изнеможе, / и немощствующии препоясашася силою, / сего ради утвердися в Господе сердце мое.

Возрением к Богу возвышаемъ / и светода́нии от Него́ просвещаемъ, / будущих предзрел еси, Богоявленне, проображение.

Всяку добродетель содержал еси, / всяку же злобу от ума возненавидел еси / и праведно беззаконующих возгнушался еси, всеблаженне.

Речением Святаго Духа ты, яко чист, вверился еси, / яснейше пророчествуя будущих сбытия, досточудне.

Богородичен: Горá, добродетельми приосе́нная, / из неяже Влады́ка раболепно прииде рабóты свободити челове́ки, / явилася еси, Всечистая.

Седáлен, глас 4.

Подóбен: Вознесыйся:

На Божественней стражи стал еси, блаженне, / и уразумел еси Божие пришествие пророческими очесы, Богодохновенне; / темже и возопил еси, Аввакуме, со страхом: / Господи, услышах страшное пришествие Твое и воспеваю Тя, / плоть брэнную от Девы понести восхотевшаго.

Слава, и ныне, Богородичен:

По Бóзе в Твой, Богородице, прибегаю, смиренный, покров Божественный, / припадая, молюся: / помилуй, Пречистая, яко превзыдоша главу

мою гресѣ, /и боюся, Владычице, муки, и трепещу, /молѣние сотвори, Чѣстая, к Сыну Твоему /от сих избавити мя.

Крестобогородичен:

Иже из Безначальнаго Отца рожденнаго, /на послѣдок Тя плотию Родшая, на Крестѣ вѣщающа зрящи, Христѣ, /увѣ мне, Любезнейший Иисусе, — вопіяше: /како славимый, яко Бог от Ангел, /от беззаконных ныне человек, Сыне, хотя, распинаѣшия? /Пою Тя, Долготерпеливе.

Песнь 4

Ирмос: Твоего на земли явленія, Христѣ Бже, /проповѣдая пророк пришествіе, /с весѣлием вопіяше: /слава силѣ Твоей, Господи.

Световѣден добродѣтелию явился, Богодохновенне, /и Свѣт Невечерний возвестил еси, /Ему же ныне верою зовем: /слава силѣ Твоей, Господи.

Всесвѣтлая благодать Духа, обильно всельшия в тя, всемудре, /пророка соверши, всем Спаса возвещающа.

Слухом огласився Вседержителя, /благоговѣйно убоился еси, о чудне! /Разумев же дела Сего, во ужасе был еси.

Богородичен: Кивот свидѣнія Тя, Дѣво, пишет, /Хлѣб истинно Жизни приемшую, Чѣстая, /Слово, Отцу Соприсносущное.

Песнь 5

Ирмос: Возсиявый Свѣт, /и просветивый утро, /и показавый день, /слава Тебѣ, слава Тебѣ, /Иисусе, Сыне Божий.

Ныне возвижена видит честная Церковь Солнца на Дрѣве, /якоже прорекл еси, Аввакуме священнейше.

Вперив ум, на стражи твоей стал еси, пребогате, /и усмотрил еси Господне пришествіе.

Велегласно, мудре, о Бже Спасе возрадуюся, — возопил еси, — /и возвеселюся, Аввакуме всеблаженне.

Богорóдичен: Отягчѣн плені́цами мно́гих мо́их прегрешѣний, к Тебѣ прибегаю, / спаси́ мя, Владычице Богорóдице, / вѣрных похвалó.

Песнь 6

Ирмос: *Возопі́, прообразу́я погребѣние триднѣвное, / проро́к Ио́на, в ките моля́ся: / от тли избáви мя, Иисусе, Царю́ сил.*

От ю́га Бог, вопло́щся, при́иде, я́ко прорéкл еси́, / от Него́ свѣтло просвещáемь, Авваку́ме треблаже́нне, / и мир свѣтом уясни́.

Озарі́, Бо́же, ду́ши пою́щих Тя / моли́твами Авваку́ма честна́го и Богомудраго, / и́же вдохновѣ́нием Божѣственным просвещéй того́ помышлѣние.

Вещáние Твое́ и глаго́л Божѣственных си́ла, Богоглаго́ливе, / прóйде вся концы́, / Сло́ва Божѣственное пришѣствие нам прорóчествуя.

Богорóдичен: Суща́го Отцú Сýна Единосúчна / и безначáльно рóждшему я́ве сразумевáемаго, / в послéдок плоть б́ывша, / Дѣво, родила́ еси́.

Конда́к глас 8.

Подóбен: Взбрáнной:

В озгласі́вый вселѣнней от ю́га пришѣствие Бо́жие от Дѣвы, Авваку́ме Богоглаго́ливе, / и на Божѣственной стра́жи предстоя́нием / слы́шания от светоно́сна А́нгела / Христо́во Воскресѣние возвестил еси́ ми́ру, / сегó ра́ди вѣсело зовѣм ти: / ра́дуйся, проро́ков свѣтлая добрóто.

Песнь 7

Ирмос: *Авраáмстии иногдá в Вавилóне óтроцы / пѣщный пла́мень попрáша, / пѣсньми зывáюще: / отѣц нáших Бо́же, благословѣн еси́.*

Научáемь, блаже́нне, пáче сло́ва знáнию / и прорóчествуя Многосвѣтлúю Свещú, зывáеши ны́не: / отѣц нáших Бо́же, благословѣн еси́.

Сія́ния Трисвѣтлаго и Невечѣрнія Сла́вы причáстия тебѣ даде́ Христóс, / Егóже прослáвил еси́, вопія́: / отѣц нáших Бо́же, благословѣн еси́.

Богородичен: В родех родов Мати Дѣва явилася еси, Благословенная, / паче ума Слово рождши воплощенное, / темже, Чистая, воспеваем Тя.

Песнь 8

Ирмос: Вся дела Божия и вся тварь, / благословите Господа, / преподобнии и смиреннии сердцем, пойте Его / и превозносите во вся веки.

Просвещен Светом Трисолнечным, / сподобился еси, всеизрядне, Божественных и преестественных видений, зовый: / превозносите Бога во веки вся.

Пия от потока сладости и невещественнаго видения исполняемь, / славы же пророческия и председательства причащаяся, / радуясь, воспеваяши Бога во веки.

О, Божественная и честная пророка Аввакума красота! / сей бо, со Ангельскими ликуя силами, / радуясь, Христа воспевает во веки.

Богородичен: Мати явилася еси истинно прежде век из Отца Возсиявшаго, / едина бо святѣйши всех была еси, / Тя превозносим, Чистую, во веки.

Песнь 9

Ирмос: Рождество Твое нетленно явися: / Бог из боку Твоею пройде, / яко Плотносец явися на земли / и с человеки поживе. / Тя, Богородице, тем вси величаем.

Блистает память твою, пророче, / светлу испущаючи зарю твоего Богоглаголения / и твоего тайноучения и пророчества / тя чтущим, Аввакуме блаженнейше.

Проповедав Господа Славы и Сего прорек пришествие, / от Святыя Девы проявлено бывшее, и показанное видя, / веселися, Аввакуме Богоблаженне.

Радуются вси пророцы, / в радостный твой день веселящися, Богомудре, / радости твоея причащающися и Божественная славы, / с нимиже моляся, поющия тя спасаи.

Богородичен: Кроплѣнием, Чистая, щедрот Твоих / души моея омьй скверну / и токи слез источати мне непрестанно сотвори, Отроковице, / страстей моих потоки уставляючи.

Святой пророк Аввакум был восьмым из числа двенадцати малых пророков. Свое служение проходил в иудейском царстве; полное его молчание о израильском царстве дает основания догадке, что он пророчествовал уже по разрушении этого царства. Пророк говорит о нашествии халдеев, как о народе новом, которого иудеи еще не видели, но увидят его в своей земле даже современники пророка. Значит, святой Аввакум пророчествовал до 606 года, когда халдеи в первый раз явились в Иудею при Иоакиме, сыне Иосии. Из пророков, впервые назвавших халдеев врагами иудеев, нам известен Аввакум; вероятно, он-то и разумеется в числе пророков, предсказавших иудейскому царю Манассии «такое зло, о котором кто услышит, зазвонит в обоих ушах у того» (4 Цар. 21, 12). Несчастье это — разрушение Иерусалима и гибель Иуды.

По возвращении из ассирийского (вавилонского) плена нечестивый царь Манассия раскаялся и обратился к Богу, но зло, посеянное им в первую половину его царствования, глубоко укоренилось в народе. «Грабительство и насилие предо мною; и восстает вражда и поднимается раздор. От этого закон потерял силу, и суда правильного нет: так как нечестивый одолевает праведного» (Авв. 1, 3—4), — взывал пророк к Господу и спрашивал, доколе это будет продолжаться (Авв. 1, 2). Господь возвестил Своему избраннику, что за всеобщее нечестие скоро будет наказание через свирепых халдеев.

Но у него родилось новое недоумение — почему Бог попустил наказать евреев именно через халдеев, когда они виновнее евреев. Сам Бог выставил на вид их жестокость, наглую надменность и нечестивую гордость. Неужели Бог не может положить конец одному злу иначе, как посредством другого, еще большего зла? (Авв. 1, 12—17). В ответ пророк получает от Господа повеление записать нечто особенно важное, что



непрененно сбудется: «Вот, душа надменная не успокоится, а праведный своею верою жив будет» (Авв. 2, 1—4). Этот общий приговор относится к халдеям, и далее пророк пять раз произносит «горе» по поводу их гибели и перечисляет их преступления (Авв. 2, 5—20).

Глубоко потрясенный сообщенным ему от Бога откровением о грозном суде, пророк Аввакум обращается к Богу с теплой молитвой. Святой молит праведного Судию, чтобы Он в откровении Своего гнева сначала над иудеями, а потом над их врагами, показал над первыми Свое милосердие.

В заключение от лица общества верующих пророк выражает перед Богом те чувства, которые возбудило в них откровение Божие.

Цель пророчества Аввакума — установить правильный взгляд на пути Промысла Божьего, поддержать и утешить верующих.

Слова пророчества: «идый придет и не умедлит» (Авв. 2, 3) святой апостол Павел относит к Иисусу Христу, Который не умедлит воздать всем верующим в Него (Евр. 10, 37). А изречение пророка: «праведник от веры жив будет» (Авв. 2, 4) святой апостол Павел берет текстом, на котором он основывает учение о благодатном оправдании верою, без дел закона (Галат. 3, 11; Евр. 10, 38). Значит, святой Аввакум пророчествовал, что в царстве Мессии для спасения требуется истинная, живая вера, а при ней Господь дарует оправдание и спасение. Замечательна общность выражения, не имеющая в виду прямо никого — ни еврея, ни халдея: кто бы ни был по происхождению, — имей правую веру, и будешь жив. Изречение это приложимо не

только к отдельным личностям, но и к целым народам.

Язык книги отличается краткостью, точностью, живостью образов, возвышенной простотой, так что книга с литературной точки зрения принадлежит к числу замечательных Библейских Писаний.

Мощи святого пророка Аввакума, как свидетельствует церковный историк V века Созомен, по Божественному откровению, данному в сонном видении Зевенну, епископу Елевферопольскому, были обретыны в царствование императора Феодосия II Младшего (408—450) близ Елевферополя. Вскоре, подобным образом были обретыны мощи святого пророка Михея (VIII в. до Рождества Христова, память 5 января и 14 августа).

В
ТОЙЖЕ
ДЕНЬ



Преподобнаго Афанасия затворника, в Ближних пещерах почивающаго

ВѢЧЕР

На Господи, воззвах: стихиры на 6, глас 4.

Подобен: Яко дбля:

У мертвити хотя плоть свою, / в тесный затвор, / аки во гроб, вшел еси, отче, / и погребл еси тую непослабне постническими деянии, / но прежде общаго воскресения известное востание мертвых показуя, / по двою дню воскресл еси. / И ныне, в безсмертии живый, / молися и нам вечныя избежати смерти / и улучшить у Христа Бога велию милость.

Веруяй в Мя, — якоже рече Писание, — / аще и умрет, жив будет во веки, — / на тебе слово делом исполнися, Афанасие преподобне: / умерл бо еси миру и плоти, / но вера, споспешествуема благими делы, / воздвиже тя на живот лучший, / и был еси во удивление всем ужасно, / паче же в полезное

исправлѣние, / ѣже и нам подаждь моли́твами тво́ими, мо́лимся, / па́мьять твою́ соверша́юще.

Сказа́вый пу́ти вѣчныя жи́зни, / не дал еси́ ви́дети преподо́бному Твоему́ ислѣния, / по двою́ дню то́го воздвигну́вый, / я́коже Ла́заря четверо-дне́внаго, / разруши́в у́зы смѣртныя Божѣственна-го гла́са воззва́нием. / Сим и нас воззови́, Христе́ Царю́, / и от ме́ртвых дел воскреси́, / мо́лимся, Жизнода́вче и Спа́се душ на́ших.

Сла́ва, глас 3:

По воста́нии Твоем, Христе́ Спа́се, / смѣрти вере́и сотро́шася, / и ве́рнии лю́дие то́ю не суть облада́еми, / я́коже показá нам чу́дный в преподо́бных Афанáсий, / уверя́я своим воста́нием / и полезное пода́я тремí дѣтели́ ино́чествующим исправлѣ-ние. / Си́е и в на́ших сердца́х утверди́, Спа́се, мо́лимся, / лѣтнюю па́мьять преподо́бнаго Твоего́ почита́юще.

И ны́не, Богородичен или Крестобогородичен.

На стихо́вне во Окто́ихе.

Сла́ва, глас 2:

Слѣзными ту́чами, преподо́бне, / облада́ющую во удесѣх смѣрть потопи́л еси́, / Тридне́вновавшему же во гробе́ Животу́ всех уподо́бився, / от ме́ртвых по двою́ дню воскрес, / тесне́йшую стезю́ к вѣчной жи́зни избра́л еси́, / ёуже дости́г в безсмѣртную страну́, / оттуду́ да при́зриши на ны незако́снен-но, / умерщвля́ющия ны стра́сти да прожене́ши / и прича́стники безсмѣртию твоему́ нас сотвори́ши, / во днѣшний день па́мьять твою́ соверша́ющих, / ѳтче Афанáсие преблаже́нне.

И ны́не, Богородичен или Крестобогородичен.

Тропа́рь, глас 3:

Блаже́нство пла́чущих получи́ти желáя, / день и ночь непреста́нно пла́кал еси́, / имѣя во уме́ час Сۇ́дный, / тем по кончи́не твое́й обрѣл еси́ утешѣние на Небеси́, / преподо́бне Афанáсие. / Пода́ждь и нам плакати́ся зде грехо́в на́ших вѣну, / я́ко да пла́ча безконѣчнаго избѣвше, / та́мо при́ем вѣчное утешѣние.

Канон, глас 1.**Песнь 1**

Ирмос: Песнь побѣдную поим вси Бѳгу, / сотворшему дивная чудеса мышцею высокою / и спасшему Израїля, / яко прославися.

Брѣнными усты пѣти сугубое твоѣ успѣние хотѣща мя ныне, ѳтче, не презри, / но ущѣдри, молютиса, зовѣй ныне в день торжества твоего, / в онѣже пѣмать твоѣ прославися.

Смертною секірою посекаемь, / в міре сем живѳт человѣческий разумѣв, преподѳбне, / да сокрушиши ту собѳю, к твѣрдому Камени притѣкл еси / и, притупив добродѣтелями смертныя прилоги, / поѣши Бѳгу, яко прославися.

Умер пѣрвое міру отверженіем того многострастных ловленій, / стопы шѣствий твоѣх управил еси, свѣте, к Животу непозыблемому: / тѣмже ныне, сын Живота сущи, призри на ны, / поющия в пѣмать твоей Бѳгу, яко прославися.

Богорѳдичен: Умерщвлѣнную мою дѳшу самохѳтными страстьми / оживотворити потщиса, Чистая Дѣво: / Ты бо еси Мати Живота и подаѣши умершим востѣние.

Песнь 3

Ирмос: Камень, егѳже небрегѳша зиждуци, / сей бысть во главу ѳгла: / той есть Камень, / на немже утверди Церковь Христѳс, / юже от язѣк искупи.

Связался еси, преблаженне, Богоугоднаго житія вѣрвию, / смерть ѳбо плениса, не имѳщи на тебѣ власти: / аще бо и похити тя, но пакы возвратити повелѣл есть многим в пользу / Иже смертию Своѳю всех от смерти искупи.

Мертв связан лежал еси, ѳтче, мантии укрѳем на одре, / и Вѣшняго Прѳмысл чудотворити тцѣшеся тобѳю: / по двою бо дню возврати дѳшу твою, / и жив обрѣлся еси во удивленіе всем зрящим, / иже видяху твоѣ успѣние.

Болезнь твоѣ не бѣше, преподѳбне, к смерти, но к славе Бѳжией: / умерл бо, смерть, ѳки сон, приѣл еси во отраду болезни твоеѣ, / и по двою дню, ѳки

от сна, воспрянув, / лице твоё умывал еси струями слезными.

Богородичен: Болѣзнь смѣртную пресѣкая Святымъ Рождествомъ Твоимъ / и Животъ давая всему мiру, / азъ единъ остахъ, умерщвленъ скверными дѣлами, / Мати Божия, возложи на мя руку, и животъ лучший обрѣщу.

Седален, глас 8:

На безсмертие взирая, да смѣрти вѣчныя избѣгнешь, / животъ тѣсный избралъ еси, Афанасие преблаженне, / во умерщвленномъ ти телесѣ. / Сего ради, удивляющеся дивному на тебѣ смотрѣнию, / славимъ Единого Человеколюбца, Иже даде всемъ животъ и нетленіе.

Слава, и ныне, Богородичен:

Смѣртной повинувшихся работѣ свободила еси Рождествомъ Твоимъ, Богоневѣсто Дѣво, / темъ Тя пѣснями славятъ христіанстии рѣди, / яко дала еси имъ животъ и нетленіе.

Песнь 4

Ирмос: Взятся солнце, и луна ста в чинѣ своемъ, / вознесся еси, Долготерпеливе, на Древо / и водрузилъ еси на немъ Церковь Твою.

Лежа бездушен, воздвиглся еси / и, дыханіе приѣмъ, паки на бытіе пришедъ еси, отче, / еже видевше, предстоящии со страхомъ славословіша Божию силу.

Коль страшенъ часъ смѣрти и Суды, видевъ, блаженне, / горце рыдая, молчаніемъ и воздыханіемъ изъявилъ еси, / и быша слезы твои многимъ написаніе Суды Страшнаго.

Присно исходъ свой поминая, святе, / плакалъ еси в жизни сей болѣзненной, / и большая прибываху ти рыданія, чувственне видевшу, / каковъ отходящии ѣмутъ страхъ и трѣпетъ, / егѣже да убежимъ и мы, / молися, отче преподобне.

Богородичен: Суды Страшнаго не боюся, / ни страшуся горькия геѣнны, / яко отъ многихъ страстей окаменѣ мое сердце. / Сечивомъ благоутрѣбія Твоего, Чистая Дѣво Мати, порази е, / да очувствѣтся паметію мукъ страшныхъ.

Песнь 5

Ирмос: Твой мир даждь нам, / Сыне Божий: / иного бо, разве Тебе, бога не знаем, / Имя Твое именуем, / яко Бог живых и мертвых еси.

Твой плач и неутешное рыдание предстоящи видевше, / ужасни просяху, да скажеша им слово на пользу. / Ты же три полезная сказал еси им: / да хранят послушание, покаяние и молитву, / яко большия добродетелей иных, / в нихже и мы да утвердимся, молися, отче Афанасие.

Сам послушлив сый заповедем Христовым, / послушание выше всех добродетелей быти братии сказал еси, преподобне, / то бо и по смерти не умирает, но снабдевает живот с Богом, / Иже есть страшен Судия живым и мертвым.

Покаяние и молитва — две криле огненне, / и сими преход неудержимь от мытарств воздушных известил еси, блаженне, / молчания явил еси пути, имиже потекл еси на большая, / наказание оставль вопросившим. / И нам даждь исправление, день веселия твоего совершающим.

Богородичен: Молитвеннице скорая о христиан-
стем роде, Марие Дево, / молитвы певец Твоих
приемши в пречистыя длани, / принеси к Твоему
Сыну и испроси нам грехов прощение / и тишину
даждь сущим в страстех.

Песнь 6

Ирмос: Отвергл мя еси во глубины сердца морскаго, / и спасл еси мя, Спасе, от работы смертныя, / и разрешил еси узы беззаконий моих.

Отвергся конечнее живота и чувственного света видети, / в темен затвор вшел еси, пременяя чувственное на мысленного Света зрение, / егоже и мы да улучим молитвами твоими, отче, / отвергшися беззаконий наших.

Умерщвленную плоть постническими труды да оживиши, святе, / струями слез твоих напаял еси выну, / дванадесат лет пребыв в пещере, жив погребен, / надеждою живота безсмертнаго оживляемь.

Древо жизненное плоть твоя, Афанасие преподобне, / израсти покаяния всем плоды, / от нихже

вкуси́ти даждь и мне любóвию твоёю, / да укреплю́-
ся разрешíti úзы беззакóний мо́их.

Богорóдичен: Дре́во присноцвету́щее Ты еси́,
Пречы́стая Дéво, / пали́мых знóем беззакóний по-
крыва́ющее сéнию Твоёю. / Сéю и нас покрый́,
страстьми́ жегóмых, и воспоём: / ра́дуйся, Дре́во
благосенноли́ственное, íмже покрыва́ются мно́зи.

Конда́к, глас 5:

Яко безсме́ртия тезоименит, по умёртвии своём
воста́л еси́ жив; / показу́я же, я́ко зело́ люта́
есть смерть, пла́кался еси́ го́рько. / Ны́не, обрётши
неконча́емую ра́дость, / моли́ся о нас, я́ко да пла́ча
вэ́чнаго избúдем.

Песнь 7

Ирмо́с: Су́щим в пещи́ отроко́м Твои́м, Спа́се, / не
прикосну́ся, ниже́ стужи́, огонь. / Тогда́ три́е, я́ко
еди́ними усты́, пояху́ / и благословля́ху, глаго́лю-
ще: / благословéн Бог отец на́ших.

Жизнь твою́ в пла́че и воздыха́нии проводив / и
струя́ми слез твои́х убелив а́нгельскаго о́браза
ри́зу, / отше́л еси́ в бесплачевны́я страны́, раду-
ющися и пою́щи: / благословéн Бог отец на́ших.

Чи́ни А́нгельстии в день успéния твоего́
приспéша / и, дух твой ми́рно приёмше, проводи́-
ша в ра́йския обите́ли, / иде́же живы́й, помяни́ нас,
о́тче преподо́бне, пою́щих: / благословéн Бог отец
на́ших.

Мертвéц два́жды в жи́зни сей был еси́, свя́те, / и
пéрвее у́бо возвраща́ющаяся вси ви́деша тя па́ки в
плотски́х соста́вах, / от ни́хже втори́цею разрéшся,
ны́не живéши со А́нгельскими чини́ми, / иде́же и нас
не забúди, пою́щих: / благословéн Бог отец на́ших.

Богорóдичен: Уме́ршаго мя злы́ми дея́нии ожи-
вотвори́ти потщы́ся, Влады́чице: / на Тя бо упова́-
ние возложих несумне́нно, / я́ко ро́ждшую Без-
сме́рнаго Царя́ и ми́ру все́му Живода́вца.

Песнь 8

Ирмо́с: Небеса́ небéс и вода́, я́же превы́ше
небéс, / благослови́те, пойте Го́спода / и превозно-
сите Егó во вéки.

Небеса́ ра́дуются, при́емше дух твой в не́дра своя́, / и мы весели́мся, клáняющесе́ мо́щем тво́им, преподо́бне, / от ни́хже пода́ждь тре́бующим благода́ть / и сподо́би пе́ти Го́спода во ве́ки.

А́нгели торжествуют, сожителя́ тя иму́ще, / веселится́ и гора́ Печёрская, содер́жащи ра́ку мо́щей тво́их, áки бисер́ многосвет́лый, / сим просвети́ нас, мра́ком страсте́й одержи́мых, / и даждь пе́ти Го́спода во ве́ки.

Благоугоди́л еси́, о́тче, в жи́зни сей Влады́ще своему́ / и при́ял еси́ дар недуги́ исцеля́ти. / Нас, страстьми́ одержи́мых, посети́, я́коже лядвьями боля́ща Вави́лу, / и сподо́би Го́спода пе́ти во ве́ки.

Богорóдичен: В печа́ли и тузе́ есмь, скверное́ моё жити́е помышля́я, и не й́мам наде́жды. / К Тебе́ Еди́ной прибега́ю, ра́дости всеми́рной, Чи́стая Де́во, / и молю́, да ра́дость возсия́ет ду́ши моёй во ве́ки.

Песнь 9

Ирмо́с: Сотвори́ держа́ву мы́шцею Своёю, / низложи́ бо си́льные со престо́л / и вознесе́ смире́нныя Бог Израйлев, / в ни́хже посети́ нас Восто́к с высоты́ / и напра́вил ны е́сть на путь ми́ра.

Сотвори́ любовь́ моля́щимся тебе́, о́тче, / и моли́твою твоёю даждь цельбу́ стра́ждущим недуги́ душе́вными, / па́че же ра́туемых вра́жиими наве́ты напра́ви на путь ми́рен.

Поёт Вели́кая Лавра́ труды́ и по́двиги тво́я, преподо́бне, / сла́вит вь́ну пеще́ра, храня́щая чудотво́рныя мо́щи тво́я, / й́мже и мы покланя́ющеся, мо́лим тя: / напра́ви стопы́ на́ша на путь ми́рен.

Воста́ни ско́ро и прииди́, аз исцелю́ тя,— рцы́, Афанáсие преблаже́нне, / се бо от мно́гия болéзни душе́вныя вопию́ ти, не имый́ отра́ды, / па́че же молю́: / наста́ви мя на спасе́ния путь ми́рен.

Сла́влю Тя, Тро́ице Пресвята́я, О́тче Безнача́льне с Сы́ном Безле́тным, / и пою́ Ду́ха Тво́его Свята́го, / Егóже даждь се́рдцу моему́ ходата́йством уго́дника Тво́его, / да обря́щу путь ми́рен.

Богорóдичен: А́ще кто не сла́вит чи́стаго зача́тия / и не поёт несказа́ннаго Рожде́ства Тво́его, Мари́е Богоневéсто, / да отпаде́т ве́чныя

Слáвы / и не бѹдет сообщник Свѣта и сын присно-
сущнаго мира.

Светѣлен:

В преподѣбных дѣвнаго Афанасія пѣсньми,
людіе, восхва́лим: / той бо жив ѹмре, и по двою́ дню
воскресе, и па́ки преста́вися, / живѣт, не ктому́
смѣртію облада́емь, / но присно́сущную нача́
жизнь, / я́ко сын сѹщи Живота́ и Воскресѣнія
пра́ведных наслѣдник.

Сла́ва, и ны́не, Богоро́дичен:

Дѣвны Твоя́ та́йны, Чѣстая, кто испове́сть /
или́ кто возвестѣт на Тебѣ сбытіе неизрече́нных? /
Родила́ бо еси в ле́то Сына, прѣжде век от Отца́
рожде́нна, / Живота́ и Воскресѣнія Пѣрвенца, /
моли́ убо Его, да и аз Воскресѣнія бѹду и Живота́
наслѣдник.

На хвалѣтех стихѣры, глас 2.

Подѣбен: Егда́ от Древа:

Приидѣте, людіе, воспоѣм / на Небесѣ́ от А́нгел
поѣмага дѣвнаго Афанасія, / по́стников красоту́ и
преподѣбных сия́ние, / ѣхже жити́ю поревновáв, /
тѣсный путь нелѣностно прѣйде, / всякія стра́сти
увядѣв воздержáнием, / неударжимое желáние
имѣя к Бо́гу, / Емѹже прѣдстоѣт ны́не со А́нгелы / и
мо́лится о душа́х на́ших.

Приидѣте, бра́тие и празднолю́бных собѣри, /
всякое сослѣвие Богоно́сных устѣн, / принесѣм
венцы́ песнослѣвных цвето́в, / ко грѣбу шѣствуим
преблаже́ннаго отца́ / и припаде́м, глаго́люще: /
преподѣбне преблаже́нне, Ангелом сожѣтелю, / не
забѹди, ходáтайствуя ко Владѣще́ всех Бо́гу, / да
улучѣм вѣчный живѣт и мѣлость в День Сѹдный.

Приидѣте, ѣночествующих ли́ки, / к ра́це много-
чудѣсных мо́щей преподѣбнаго Афанасія / и поч-
тѣ́м Богоглаго́ливая уста́, / наказѹющая нас послу-
шáнію, / всегда́шнему же пока́янію и мо́литве, / и,
сѣ́ми добродѣтельми, áки ѣ́гненными криле́, / к
Бо́гу восходя́ще, / обря́щем благодáть и вѣлию
мѣлость.

Сла́ва, глас 8:

Преподо́бне, преблаже́нне, свя́те во святы́х Афанáсие,/ твое наказáние мно́гим бысть исправлѣние / и от падѣния возставлѣние пáмятию б́дущаго Судá,/ егóже и сам ожида́я по твоём воскресѣнии,/ неутолíмыя слѣзы от óчию изводíл еси./ Со весѣлием ны́не Христú предсто́я,/ моли́ся пою́щим честнóе твое преставлѣние при́яти грехóв оставлѣние / и вѣлику мýлость в День Сýдный.

И ны́не, Богорóдичен:

Влады́чице, приими́ моли́твы раб Твои́х / и избáви нас / от вся́кия нýжды и печáли.

Преподобный Афанасий, за-творник Печерский (XII в.), был простым и смиренным иноком, проводил Богоугодную жизнь, за что исполнились на нем слова Спасителя: «Аз есмь Воскрешение и Живот, веруй в Мя, аще и умрет, оживет» (Ин. 11, 25).

По сообщению автора Жития, преподобного Симона, епископа Владимирского, после продолжительной тяжелой болезни преподобный Афанасий скончался и был положен во гроб. На третий день, когда игумен с братией пришли совершать погребение, он внезапно ожил. На все вопросы инок с плачем отвечал: «Спасайтесь послушанием, слезным покаянием, молитвой». После этого преподобный Афанасий прожил 12 лет в строгом затворе, питаясь только хлебом и водой, не видя солнечного

света. Перед кончиной, собрав братию, он повторил ранее сказанные слова и мирно отошел ко Господу (ок. 1176). Погребен был в Ближних пещерах преподобного Антония. У мощей преподобного Афанасия получил исцеление инок Вавила, много лет страдавший болезнью ног. «Однажды лежал я,— рассказывал он братии,— и кричал от сильной боли. Внезапно вошел ко мне блаженный Афанасий и сказал: приди ко мне, и я исцелю тебя. И стал невидим. Я попросил, чтобы принесли меня к его мощам. И вот, я исцелился». Предстательством его молящимся с верою у святых мощей преподобного Афанасия подается Господом истинное покаяние.

Память преподобного Афанасия совершается также 28 сентября и во вторую Неделю Великого поста.



В
ТОЙЖЕ
ДЕНЬ

Святаго блаженнаго младаго царя и мученика Уроша

НА МАЛОЙ ВЕЧЕРНИ

Стихиры, глас 1.

Подобен: Небесных чинóв:

Закóнно венчан был еси́, мучениче,/ страждá сего́ свѣта лишѣние,/ Уроше всечѣстне и преблаже́нне,/ не оскудѣй, моля́ся о нас ко Гóспо-

ду, / и срóдство твоё назирай, / творящее святую пáмять твою.

От ли́ка избра́н был, мучениче, / ра́дость подава́-
еши нам днесь видéнием честныхъ моцёй твоихъ, / и,
веселя́щися, торжеству́ем: / страсототёрпче, моли́ся
о нас, / творящихъ святую твою пáмять.

Ми́рныя во́ни и благоухáния пролива́еши, / все-
лённая же, дар восприёмши моцми́ твоими, /
Уроше всечестне и превожделенне, / возлетé к
любви́ Христо́вой, прехва́льне, / и ны́не моли́ся о
нас, творящихъ пáмять твою.

Основáние Божéственное, / исткáно от В́шшня
премудрости, / твёрдости твоего́ ума́ не поколебá, /
ни уби́ения убийственнаго убоя́ся, / е́дину ве́ру к
Бо́гу имéя, / и Тому́ предстои́ши во сла́ве.

Сла́ва, глас 5:

Днесь весна́ благоухáет / явлéнием моцёй тво-
ихъ, / и но́ва тварь лику́ет / и радуется, зря́щи днесь
чúдо пресла́вное, / ли́цы, пою́ще, удивля́хуся, /
весéлие неизречённое показу́юще, Уроше всечест-
не и превожделенне. / Си́ле Твое́й сла́ва, Челове-
колю́бче.

И ны́не, Богоро́дичен:

Обра́дованная, ходáтайствуй Твоими́ моли́т-
вами / и испроси́ душáм нáшим мно́жество
щедро́т / и очищéние мно́гих прегрешéний,
мо́лимся.

На стиховне стихиры, глас 2.

Подобен: До́ме Евфра́фов:

Хвала́ми венча́им / мученика́ Уроша, / е́гоже
венча́ Бо́жия благода́ть, / Божéственными
моли́твами / низложи́ враги́ нáша.

Стих: Пра́ведник, я́ко фíникс, процветéт, / я́ко
кедр, я́же в Ливáне, умно́жится.

На столпéх мученическихъ водворя́еши, / я́ко
добр во́ин, / обрётся на земли́, / и возлетéл еси́ / к
В́шнему Престо́лу.

Стих: Насаждéни в до́му Господни, / во двóрех
Бо́га нáшего процвету́т.

**До́ма земна́го / лиши́лся еси́, / дом Небéсный
наслéдовал еси́, / мучениче блаженне, / Уроше
сла́вне.**

Сла́ва, глас и подобен тойже:

Мучениче Уроше / многострадальне, / молитвами твоих прародителей / ум наш озари / воспети славу твою.

И ныне, Богородичен:

Двери Небеснии, возмитеся, / зряще дверь Вышняго, / светлыми зарями озаряючи Владычицу.

Тропарь святаго писан на велицей вечерни.

Слава, и ныне, Богородичен.

НА ВЕЛИЦЕЙ ВЕЧЕРНИ

Блажен муж: 1-й антифон. На Господи, возвах: стихиры на 8, глас 4.

Подобен: Званный свыше:

Светлая днесь память настá, / Сербское украшение, / объявлением честных мощей твоих / на просвещение и похвалу срóдства твоего, / Уроше всеблаженне, / дары добродетельными обогатился еси, / молися о нас ко Господу, творящих память твою.

Струю исцелений источаеши приходящим с верою / и подаеши дарования просящим у тебе / ходатайством прародителей твоих. / Не оскудей, моляся ко Господу / о творящих святую память твою.

Аще и завистию убиен был еси от твоих присных, / но присно в рай водворяеши с прародители твоими. / Аще и неправедную смерть подъял еси, / но ликовствуеши со святыми, / убийцы же твой вскоре погибоша.

Еще не во время созрев, / в Господню житницу вселился еси, / скорбь велию оставив срóдству твоему, / неведущу о смерти твоей; / на ловитву исходиши / и тамо убийственну язву подъял еси, / многострадальне Уроше.

Сла́ва, глас 3:

Во светлости святых добродетелей просиял еси, / светлеяся, яко солнце, / и осиявая всех праведным сиянием. / Днесь радуются вся отечества язык Сербскаго срóдства / мощей твоих явлением: / всюду исполнил еси благоухания / и просветил еси твоё отечество всякими добрótами, / мановением Божия Духа / вся восприем,

многострада́льне Уроше./ Моли́ся о нас, чту́щих святу́ю па́мьть твою́.

И ны́не, Богоро́дичен: Ка́ко не диви́мся:

Вход, прокимен дне и чтения три мученическая (зри страницы 451—452 и 152—153).

На литии стихира храма и святого, глас 1:

Весе́ло днесь Це́рковь Бо́жия одева́ется/ явле́нием мо́щей твои́х,/ Се́рбская земля́ красу́ется в Боже́ственной па́мьти твоёй,/ уби́йцы же твои́, студа́ испо́лнены, посрами́шася,/ ты же в пи́щи райсте́й водворя́ешися,/ Уроше всеблаже́нне.

Прароди́тели твои́ мо́льбу твора́ют ко Го́споду/ напоследок обнов́ити срóдство своё/ в похвалу́ и просвеще́ние и на обличе́ние уби́йцам твои́м,/ тебе́ же на сла́ву и похвалу́, Уроше преблаже́нне,/ моли́ся спаст́ися душа́м на́шим.

Стезе́ю тесно́ю шествова́в,/ рай широту́ дости́гл еси́/ и срóдство твоё просвети́л еси́,/ чуде́сными де́лы осия́н,/ всю подсо́лнечную обогати́л еси́,/ дар исцеле́ния прие́м, Уроше досто́блаже́нне.

Аще и безвре́мену смерть подъя́л еси́,/ за́вистию раторборца́ убива́ем непови́нно./ О, непра́веднаго уби́йства!/ но они́ убо суть во тьме и мра́це,/ ты же с прароди́тели во Ца́рствии водворя́ешися, досто́блаже́нне.

Ны́не днесь свети́ло вели́кое яви́ся Се́рбскому ро́ду:/ Це́рковь бо, коне́чне запу́стевшая,/ па́ки Бо́жиим манове́нием обновля́ется/ на похвалу́ твою́, преблаже́нне Уроше./ Моли́ся о нас, твора́щих святу́ю па́мьть твою́.

Сла́ва, глас 5:

Красу́йся и лику́й весе́ло, Це́ркви Бо́жия,/ в да́р бо тебе́ царь Урош прино́сится/ объявлени́ем честны́х мо́щей свои́х./ Лик а́нгельский весели́тся./ С ни́миже моли́ся непреста́нно Христу́ за ны́/ изба́вити от бед твора́щая пречестно́е и светоно́сное твоё и́мя,/ многострада́льне Уроше преблаже́нне.

И ны́не, Богоро́дичен:

Ра́дуйся, Ма́ти Христа́ Бо́га,/ и, Его́же родила́ еси́, моли́/ согреше́ний оставле́ние дарова́ти/ ве́рою воспева́ющим Тя.

На стиховне стихиры, глас 2.

Подобен: Егда от Древа:

С премірными чїнами ныне водворяяся, / с Небесé прием Богоразуміе, / молебныя гласы тебе возсылаем: / подвигни срóдство твоё / и за ны молися прїсно ко Господу / сохранїти нас, Уроше достоблаженне.

Стих: Праведник, яко фїникс, процветёт, / яко кедр, иже в Ливане, умножится.

Богоразумія светлостію сияя, / міра красоту презрёл еси, / Авраама в лоне почиваеши. / Не презри нас, молящихся тебе, многострадальне / и приснопамятне Уроше всечестне.

Стих: Насаждени в дому Господни, / во двóрех Бога нашего процветут.

Истинным венцем, венчавшим тя, / и царскою диадимомою одеваяся, / венец доброты приял еси, досточудне, / не презри, блаженне, певцы твои, почитающия тя, / предстои со Ангелы во славе.

Слава, глас 6:

Матернее очима зря чудесне, / Ангелом сопричастник был еси; / просвещаяши вся, приходящая с верою к раце твоей честней, / и ревнуеши прародителем твоим; / изряден в сверстницех явился, / добродетелию и разумом всех удивил еси, / многострадальне Уроше превозделенне, / молися спастися душам нашим.

И ныне, Богородичен:

Матернее дерзновение / еже к Сыну Твоему имущи, Пречистая, / к рождению помощи / наша мольбы не презри, молим Тя, / яко Тебе единому ко Владыце очищение имамы.

Тропарь, глас 3:

Юношески процвел еси / во отечествии твоём, добротой украшен, / и неправедную и безвременную смерть подъял еси, / Уроше всечестне; / царскаго корене плод сладок, / аще и не во время созрев, / в Господню житницу вселился еси / и жалость велию срóдству твоему оставил еси. / Молися о нас, творящих святую память твою.

Таже Богородице Дево:

НА УТРЕНИ

По 1-м стихословии седален, глас 5.

Подобен: Собезначальное Слово:

Мысленными очима прозрев будущая, / советом матерним пожил еси / и церкви воздвигл еси в похвалу прародителей твоих / и в славу Пречистыя Богоматере, / Еяже молитвами, Христе, помилуй нас.

Слава, и ныне, Богородичен:

Тучами Духа Святаго, Пречистая, мою мысль ороси, / яже Каплю рождши безмерную — Христа; / изсуши источник страстей моих / и потока пищи мя напои молитвою Твоею.

По 2-м стихословии седален, глас 3.

Подобен: Красоте девства:

Красен был во видении в животе твоём, / краснейший же показался еси по смерти твоей объявлением честных мощей твоих / и всех зрящих удивил еси, многострадальне Уроше всеблаженне.

Слава, и ныне, Богородичен:

Под землю низвержен был грехми, / умертвись душевными страстьми и телесными, / темже тьмою покрываюся отчаяния. / Но воздвигни мя ныне к покаянию и спаси мя: / можеш бо, елика хочещи.

По полиелеи седален, глас 8.

Подобен: Премудрости:

Егда ты сего света лишению предаша, / отнесёну бывшу телу твоему во храм Успения Пречистыя, / испрятовают тайно в гробнице внутрь, / идеже Божественная совершаются, / и никому о сем ведомо бысть, точною обители предстателю, / дондеже Богу, объявлена ты сотворшу. / Убийцы же твой, студа исполнены, вскоре скончашася. / Ты же в райстей пищи водворяешися, многострадальне Уроше и всеблаженне, / моли Христа Бога грехов оставление подати / чтущим любовь святую память твою.

Слава, и ныне, Богородичен:

Яко во глубину многих согрешений впадох / отлености моея, и уныния, окаянный, и неведения / и

отчаянием ныне одержим есмь. / Буди ми помощь, / и очищение, и спасение, Пречистая, / и утешение благопрёменно подающи ми, / Тя молю, и Тебе мился дею, и припадаю, и верою зову Ти, / да не явлюся до конца льстивому обрадование.

Степенна, 1-й антифон, 4-го гласа. Прокимен, глас 4: Честна пред Господем / смерть преподобных Его. **Стих:** Что воздам Господеву о всех, яже воздаде ми? **Всякое дыхание:** Евангелие от Луки, зачало 106.

По 50-м псалме стихира, глас 6:

Урош дивный, / Божественныя тишины желая, / завистию лишен света сего бывает, / и безвременную смерть приемлет, / венцем добродетелей увязеся, / и с премирными лики радуется, / и дерзновенно предстоит Владыце / со преподобным Симеоном и Саввою преосвященным, / яко ходатаи приснии / и молитвенницы о душах наших.

Канон Богородицы со ирмосом на 6 и святаго Уроша на 8. Канон мученика, глас 4, егоже краегранесие: Паисий недостойный, пою тя, блаженне Уроше.

Песнь 1

Ирмос: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Тоя чудеса.

Первое греховным не приобщився желанием, / злата честнейший показался еси, / яко от корене благородна израсл еси, блаженне.

Аще и гонитель твой бысть Волкашин, / но равен произшел еси родителем твоим, дела и словеса подобяся, / и, якоже звезда, просиял еси, блаженне.

Иже законную сень преминув, Уроше, / к шествию Небесному возшел еси, радуясь, и Троице предстоиши, / сего ради блажим память твою.

Богородичен: Агницу Тя посреде терния обрет, / невлаемое Пристанище / и к Богу Руководительницу крепкую, Мати Дево Владычице.

Катавасия: Христос раждается, славите:

Песнь 3

Ирмос: Твоя песнословцы, Богородице, / живый и независтный Источниче, / лик себе совокупльшия, духовно утверди, / в Божественней Твоей славе / венцев славы сподоби.

Семене благороднаго цвет прекрасен показался еси / напоследок явлением честных мощей твоих, / в похвалу сродству твоему, всеблаженне Уроше.

Еще от рождения благая отрасль показался еси / всеми виды добродетелию, / ревнуя прародителем твоим, церкви воздвизая / и ины утверждая.

Из начала о Бозе певаемыя песни, / всюду прослуся* имя твое явлением честных мощей твоих, / многострадальне Уроше всеумдре, назирай нас.

Богородичен: Радуйся, Чистая Дево, / и не забуди нас, молящихся, / в тузе сущих и скорбех, / Твою милость излей на нас, молимтися, Владычице.

Седален, глас 8.

Подобен: Премудрости:

Премудре, достоин был еси именем и делом, родителем твоим подобяся, / и сродству твоему обновление творishi, / Богу прославльшу ты в животe, / Иже и по смерти прославил ты есть / в похвалу сродству твоему, многострадальне и преблаженне Уроше всечестне, / моли Христа Бога грехов оставление подати / чтущим любовьию святую память твою.

Слава, и ныне, Богородичен:

Небесную дверь и кивот, / всесвятую гору, светозарный облак воспойм, / Небесную лествицу, словесный рай, / Евино избавление, вселенныя всея великое сокровище, / яко спасение в Ней соделася миру / и оставление древних согрешений. / Сего ради вопием Ти: / моли Сына Твоего и Бога / прегрешений оставление даровати / благочестно поклоняющимся Пресвятому Рождеству Твоему.

* прослуся — сделалось известным, прославилось

Песнь 4

Ирмос: *Седяй в славе на Престоле Божества / во облаце легце, / прииде Иисус Пребожественный / Нетленною Дланию и спасе зовущия: / слава, Христэ, силе Твоей.*

Неизглаголанная твой чудодействия, / яже напоследок показашася, Уроше всеумдре, / не забуди сродства твоего и помилуй нас, молящихся.

Еже от начала Безначальному Слову веровал еси / и родителю единороден был еси, / и царскою диадимую украшают тя в славу и похвалу сродству твоему.

Добродетели твой и красоту кто изрещи может? / Удивил бо еси всех, приходящих к раце мощей твоих, / разумом превосходя многия.

Богородичен: *Хвалы молебныя к Тебе воспуцаю, Пречистая Владычице, / не забуди нас, но молися о нас к Рождшемуся из Тебе, / да спасет Тебе ради души наша.*

Песнь 5

Ирмос: *Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя / мир подавающая.*

От неправедныя смерти и безвременныя, / юже подъял еси, Уроше всечестне, / превышше бо в радости пребываеши с лики избранными.

Стезю отеческою шествовал еси всеизрядною, / чудесы удивил еси сродство твое, / рака же твой исцеления подавает, Уроше блаженне.

Твой память днесь веселия всех исполняет, / яже, удивляющися, глаголют: / слава благоутробию Твоему, Христэ Царю, / давшему нам сие украшение.

Богородичен: *Ты еси всем Помощница, / и истинная христианом Заступница, / и Покровительница, / и спасение душ наших.*

Песнь 6

Ирмос: *Божественное сие и всечестное / совершающе празднество, / Богомудрии, Богоматере, / приидите, руками восплещим, / от Нея рождшагося Бога славим.*

От отрасли благородныя просиял еси, / мудростию и разумом всех превозшел еси / и, безвременную смерть подьем, венцем мученическим венчался еси, славне.

Твоим явлением Сербская область радуется, / и сродство твое напоследок твоим явлением просветил еси, / не забуди и нас, молящихся тебе.

На спасенную стезю настави нас ходити присно, / и почитати тя, и память твою совершати, / и богоугодно пожити в честном храме твоём.

Богородичен: *Пречистая Дево Мати Иисус Христа, / помилуй и спаси иже верою к Тебе прибегающия, / яко на Тя с Богом упование имамы.*

Кондак, глас 6.

Подобен: Рукописаннаго:

Отрасли благородныя цвет прекрасный явился еси, Уроше всечестне, / завистию бо убиен был еси от твоих присных, / Божиим же Духом просвещен, / святороднаго племени свят был еси / и, мученическим венцем увязся, / в чертозе Небеснем водворяешися. / Молися о нас, святе, творящих любовью память твою.

Икос:

Кто достоин устне отвэрзти или язык двігнути / и похвалити хвалимаго Богом, / обаче в толико время в тимении земном пребыв, / от Христа Спаса венец приял есть / и, дарованьми исцелений обогатився, исцеления дар прият, / и честен страдалец показася, принося моление Благодетелю, / и прием славу с Небес и венец доброты, / и молится о творящих любовью память его.

Песнь 7

Ирмос: *Не послужиша твари Богомудрии / паче Создавшаго, / но, огненное прещение мужески*

поправше, / радовахуся, поюще: / препетый отец
Господь и Бог, благословен еси.

Твою обитель вскую забыл еси? / Восприни убо
силою прародитель твоих / и испроси от Господа
помощь и заступление твоей обители, яко да
поем: / отец наших Боже, благословен еси.

Почитаю мощи твои и поклоняюся: / исцеление
бо подаеши верою приходящим. / Подажь и нам
мирное житие во обители твоей, поющим: / отец
наших Боже, благословен еси.

Отрок был еси, Небеснаго жилища ходатай, /
всякими бо добротами украшен, / убийственною
язвою изменил еси живот твой, / они убо студа
исполнишася, ты же вопиеши: / отец наших Боже,
благословен еси.

Богородичен: Светлыми зарями всю землю воз-
сиявшее Солнце от святого чрева Твоего озаряет,
Владычице, / имже и нас просвети Твоею мило-
стию, вопиющих: / препетый отец Господь и Бог,
благословен еси.

Песнь 8

Ирмос: Отроки благочестивыя в пещи / Рожде-
ство Богородичо спасло есть; / тогда убо образу-
емое, / ныне же действующее, / вселенную всю
воздвизает пети Тебе: / Господа пойте, дела, / и
превозносите Его во вся веки.

Юношески пожив во отечестве твоем, / и бла-
жит тя сродство твое, / и веселием радуется твоему
объявлению, дивясь, глаголет: / Господа пойте,
дела, и превозносите Его во вся веки.

Треплетенный воспринял еси венец от Вышняго
Дародателя, / изряден быв твоей обители / и цер-
ковь просветив мощми твоими, вопия: / Господа
пойте, дела, и превозносите Его во вся веки.

Естество пренив тленное, / в вечныя обители
вшел еси, блаженне, / и житию пресвятому последо-
вал еси прародителей твоих, вопия: / Господа
пойте, дела, и превозносите Его во вся веки.

Богородичен: Конец благий подати ми, Дево,
Господа умоли, / да избуду ожидающих мя вечных
мук, / яко да Тя пою, Благословенная, во вся веки.

Песнь 9

Ирмос: *Всяк земнорóдный / да възгра́ется, Ду́хом просвещáемь, / да торжествует же Безплóтных умóв естество́, / почита́ющее священное торже́ство Богома́тере, / и да вопи́ет: / ра́дуйся, Всеблаже́нная Богорóдице, / Чы́стая Присноде́во.*

Божественное селение ты был еси́, пресвѣтло просвети́вся, Уроше всеблаже́нне, / срóдство твоѣ назира́й и от недуг и бед избавля́й, / да ты непреста́нно велича́ем.

Лесть искорени́л еси́ злúю, Правосла́вию ревну́я, / прародите́лем твоим чудесы́ подобя́ся, / удиви́л еси́ зря́щия тво́я пресла́вная чудеса́, блаже́нне.

Желая уподобитися блаже́нному Симеóну, и святителю́ Са́вве, / и иным срóдством, дóбре поживши́м, / и не лиши́л ты ест Велíкий Дародáтель, Уроше всечестне.

Богорóдичен: Приими́ наше ма́лое сие́ приноше́ние, о Всенепорóчная Госпоже́ Влады́чице, / и е́же от недостóйных устén приносíмое Ти молéние приими́ / и не отри́ни, Всенепорóчная Влады́чице.

Светилен.

Подóбен: Не́бо звезда́ми:

Ны́нешнюю сла́ву презрél еси́, / Вь́шнюю сла́ву получи́л еси́ / и, земными́ Небесная́ насле́довав, блаже́нне, / Влады́це я́ко предсто́я, о нас всегда́ моли́ся.

Богорóдичен:

Еди́на Чы́стая и Несквэрная, / оскверне́на мя вся́кими падéньми лю́тыми / изба́ви лю́тыя му́ки и тьмы́ кромéшныя.

На хвалíteх стихиры на 4, глас 4.

Подóбен: Я́ко дóбля:

Умудри́ ты Вь́шняя́ сила, / земна́я вся презрév, / ум вперíв ко Гóсподу, Уроше всечестне, / отéчество твоѣ назира́й и обите́ль твою́ не забуди́, / просвещéние нам подава́я, / творя́щим святúю па́мять твою́.

Рóда свѣтла был еси́, блаже́нне, / я́ко шипок, процвél еси́ Цérкви / и, я́ко фíникс многорáслен-

ный, благоуханія исполнился еси, / леть ересей разрушив невидимую силою, / и нас не забуди, молящихся, / Уроше достоблаженне.

Шествовал еси стезею отеческою / и блаженную жизнь постигл еси, / прародителем подобясь всякими добродетельми: / церкви воздвизая при животѣ твоём / и инья подтверждая прародителей твоих, / и по смерти твою церковь мощми облагодухал еси, / и чудесы всех удивил еси, / достоблаженне Уроше всечестне.

Ума твоего не поколебá твердость, / адаманта твердейший явился, / áще и юн был еси / и не доспел еси совершеннаго вóзраста, / но Духа Святаго исполнен быв благодати. / Дивятся мнози, зряще твою мóщи красныя, / церковь бо твою просветил еси различными благоуханьями, / всечестне и преблаженне.

Слáва, глас 4:

Свѣтлая днесь настá пáмьятъ твою, Уроше блаженне, / светлейший же есть, приходяй во Вифлеѣме родитися Христос, / Иже всей вселенней радость подаёт, / твою же убийственная и безвременная смерть — / Сербстей земли рыданіе неутешимо и жалость велию. / И ныне, блаженне и досточудне, / не престай о нас моляся, / яко с мученическими лики водворяеши, / и, у Престола Святыя Троицы предстою с прародители твоими, / твоё срóдство поминáй, / творящее любовь святую пáмьятъ твою.

И ныне, Богородичен:

Имуще Тя, Богородице, упованіе и предстательство, / вражих навет не убоймся, / яко спасаеши души наша.

Славословіе великое и отпу́ст.

НА ЛИТУРГИИ

Блаженны от канона святаго песни 3-я и 6-я. Прокимен, глас 4: Возвеселится праведник о Господе / и уповает на Него. Стих: Услыши, Бóже, глас мой: Апостол к Тимофею, зачало 295. Аллилуия, глас 4: Праведник, яко финикс, процветет: Стих: Насаждени в дому Господни: Евангелие от Луки, зачало 73. Причастен: В пáмьятъ вѣчную бóдет праведник:

Святой Стефан Урош V родился в 1337 году. Отец его, Душан Неманя (1331—1355), первым среди сербских властителей получил царский титул (1346). Во времена его правления Сербия достигла вершин своего государственного могущества. Святой Урош V вступил на престол в восемнадцатилетнем возрасте после внезапной смерти отца; в наследство он получил огромное царство, простиравшееся от Черного моря до Адриатического.

Смиренный и кроткий молодой правитель ревностно заботился о чистоте Православной веры, о благоустройстве храмов, опекал нищих, вдов и сирот. Святой Урош не хотел, подобно отцу, держать в страхе своих подданных. Мощь сербского государства, утвержденная отцом на силе оружия, стала слабеть, начались междоусобные распри. Многие областные правители стремились овладеть престолом, действуя и силой, и хитростью. Одного из них, Хумского деспота Вукашина, простодушный властитель возвел в королевское достоинство.

В 1365 году святой Урош оставил престол и стал жить милостями своих подданных.

Исполненный христианского смирения, святой Урош с великим терпением переносил унижения и скорбел о вражде и раздорах в своем отечестве. Только безмерное упование на Господа было его опорой в защите от обидчиков. Во время охоты на Косо-

вом поле Вукашин совершил предательское убийство святого. С его кончиной прервалась династия Неманичей. Тело святого Стефана было перенесено в монастырь в честь Успения Пресвятой Богородицы в Неродимле. Царь Урош V был причислен Церковью к лику святых около 1583 года. Когда раку мученика раскрыли, храм исполнился благоухания, а от прикосновения к ней верующие получали исцеления.

11 мая 1705 года святые мощи царя Уроша V были перенесены монахом Христофором в монастырь Язак. В течение XVIII и последующих веков мощи святого Уроша покоились в ряде других сербских монастырей. 14 апреля 1942 года они были положены в кафедральном соборе в Белграде. В 1954 году Архиерейским Собором было принято решение о перенесении их в Язак. Святому Урошу посвящен монастырь, построенный в Неродимле, близ места его кончины. Память святого совершается 2 декабря.

Большинство источников свидетельствуют, что мученическая кончина настгла его в 1371 году. По другим данным, это произошло 2 декабря 1367 или 5 декабря 1365 года. Наиболее важный источник — Романовский типикон Хиландарского монастыря, написанный в 1382 году, указывает 3 декабря 1371 года как дату кончины сербского мученика. Почитание его в России установлено в XVII веке.



В
ТОЙЖЕ
ДЕНЬ

Преподобнаго отца нашего Иоаннiкiя Девiческаго

НА МАЛОЙ ВЕЧЕРНИ

На Господи, воззвах: стихиры, глас 4.

Подобен: Дал еси знамение:

Свѣтло, якоже солнце, / просия твоя пѣмь,
преподобне, / лучею облистѣющая твоя добродѣтельная дѣлания, всеблаженне, / и свѣтом чудес твоих озарѣющая верных чувства, / темже праз-

днуем радостно и ублажаем верно / всепразднственную память твою.

Мир возненавидев, преподобне, / постом и молитвами к Небесной высоте возлетел еси, / светиллом своим человеки на земли просияваеши, / со Ангелы на Небеси ликуя. / Тем тя молим, преподобне, / с верою приходящие к твоим мощем: / Христа умоли грехов оставление нам подати.

Страсти телесныя воздержанием умертвил еси / и прилежными молитвами и слезными токи / удавил еси лстываго змия, отче, / Богу же угодил еси паче многих, / досточудне Иоанникие преподобне. / Темже тя Своєю благодатию украси Творец мира / и Спас душ наших.

Слава, глас 8:

Преподобне и блаженне отче Иоанникие, / во дни и в нощи поучался еси заповедем Божественным, / ихже соблюл, явился еси дом Святыя Троицы, / Юже моли непрестанно, преподобне отче, / спастися душам нашим.

И ныне, Богородичен:

Владычице, прими молитвы раб Твоих / и избави нас / от всякия скорби и печали.

На стиховне стихиры, глас 2.

Подобен: Доме Евфрафов:

Явился еси от матерних пелен / освящен, Богоносе Иоанникие, / и был еси сосуд Пресвятаго Духа.

Стих: Честна пред Господем / смерть преподобных Его.

Лесть лукавых бесов посрамил еси, / отче Иоанникие, / крестною силою уяснил еси славу Христову.

Стих: Блажен муж, бойся Господа, / в заповедех Его восхощет зело.

Нося в руке своей / Крест Господень, / бесовская мечтания с ним погубил еси, / сего ради и мы согласнo вопием ти: / радуйся, отче наш Иоанникие.

Слава, и ныне, глас тойже:

Владычице Благая, / Преблагословенная и Пренепорочная, / Чистая Девице, / Защитнице рода

христианскаго, / прилѣжно вси к Тебѣ зовѣм: / рѹки Твоя святѹя распрости мѣлостивно к Сыну Своемѹ / и всегда моли Егѡ спасти дѹши наша.

Тропарь писан на велицей вечерни.

Слава, и ныне, Богородичен.

НА ВЕЛИЦЕЙ ВЕЧЕРНИ

Блажен муж: 1-й антифон. На Господи, воззвах: поставим стихов 8, глас 8.

Подобен: О, преславнаго чудесе:

Отче Иоанникие, преподобне, / воистинну вѣну носил еси / в гортани Божия возношения, / поучаяся, всемудре, / детельнейшим словесем Богодухновенным, / и оттѹду, обогащен быв истекающею благодатию, блаженне, / всех нечестивых советования низвращаеши.

Отче Иоанникие преславне, / источниками слез дѹшу свою очистив / и всенощными стоянии Бѡга умѣлостивив, / восперился еси к люблению и красотѣ Сего, блаженне, / еже ныне достойно наслаждаяся, / радуешься непрестанно / со страдальцы твоими, Богомудре преподобне.

Отче Иоанникие преподобне, / восперив ум к Бѡгу верою, / омерзил еси непостоянное мирскаго смешения / и, крест свой восприим, / Всевидцу последовал еси, / поработив помыслу необузданное тѣло подвигами обучения, / крепостию Божественнаго Дѹха.

Отче Иоанникие, / твое непреложное житие — вера воистинну Православная, / ибо от деяния к зело великому видению достигл еси, / Премудрости быв жилище, / во двою естеству чтый от Троицы Христа, / Егѡже моли о дѹшах наших.

Глас 5.

Подобен: Радуйся:

Радуйся, преподобне постниче, / святѹй отче наш, / святителю Богомудре, Бѡгом возлюбленне! / В мире жизнь свою свято устроив, / Дѹхом Божественным оживил еси, / еже облагодухати наша чувства и дѹши, / имиже восходим на Небеса / и земныя страсти прогоняем, / Христа зряще, Имже спасаемся.

Рáдуйся, óтче, мирскáя возненавѣдев / и ѳноческое житиѣ возлюбѣв, / А́нгелом собесѣдник показáлся есѣ / и являѣшися своими чудесáми, áки звезда, сияющая на Небесѣ. / Моли́ся Гóсподу о всех нас, / совершáющих святую пáмять твою.

Рáдуйся, святителю слáвный, / отступѣв от мирскѣя и мятѣжныя молвѣ, / притѣкл еси ко Христóвой тишинѣ, Богомúдре, / и видѣнием Божѣственныхъ де́яний, / яко всебогáтыми светлостьми, обогатѣвся воѳстинну, / ѳмиже вѣрныя назирáеши, / благолѣпным сияя житиѣм.

Чувственныя стрáсти победѣл есѣ / броздáми воздержáния, чудодѣйственниче, / и, рѣвности Безплóтных на землѣ показáв, / вся желáния плотскáя дúхови покорѣл есѣ. / Тем ны́не в Небѣсныхъ селѣниях водворя́ся, / моли́ о душáх нáших.

Слава, глас 5:

Преподóбне óтче, / глáса Евáнгелия Господня послушав, / мир оставѣл есѣ, / нивочтóже вменѣв богáтство и слáву, / и, живѣй в уединѣнии, всемъ взывáл еси отгúду: / возлюбѣте Бóга, и обрýщете благодáть, / и ничтó же предпочтѣте любви́ Его, / да егда́ приѣдет во слáве Своѣй, / обрýщете упокоѣние со всѣми святѣymi. / Ихже молѣтвами, Хри́сте, сохрáни и спасѣ́ души нáша.

И ны́не, Богорóдичен, глас 5: В Чермнѣм мóри: Вход. Прокѣмен дне и чтѣния (зри страницы 151—153).

На литий стихѣры святáго, глас 2:

Кѣими похвáльными пѣсньми / ублажѣм святѣтеля Иоаннѣкия? / пóстников украсѣтеля, преподóбныхъ побóрника, / светѣло свящѣнником и похвалá ѳноком, / цѣркви своей утверждѣние непоколебѣмое, / недúгом врачá. / Его же молѣтвами, Гóсподи, спасѣ́ души нáша.

Кѣими словѣсными венцѣи венчáем Иоаннѣкия? / свящѣннаго течѣния желáтеля, / Небѣснаго ученикá, Божѣственнымá крилóма превзятáго Боговѣдца, / столп смирѣния необорѣмый, / стѣну разсуждѣния непоколебѣмую, / нрáвом украшѣние, / честное благолѣпие, / молѣтвенника Хри́сту, непрестáнно молящагося о чáдехъ своихъ.

Кіими пёсненными пёнии воспойм Иоаннікія? / преиспещрённа деяньми и изобильна благодатию, / равноангельна житиём, вёры утверждёние, / недугов целителя, бесов прогонителя / и всем правоверным скорого помощника.

Слава, глас 4:

Приидіте, вси празднлюбцы, / ублажим пáмьять святителя Христова Иоаннікія: / áще бо и возлетё от нас, / но невидимо с нами стоить / и преподобныя рúки своё простираёт о нас ко Господу. / Притецём úбо, и припадём к раце святых мощей его, / и поклонимся, просяще, / яко да святыми своими молитвами / испросит чадом своим мир и душам их велию милость.

И ныне, Богородичен:

Яко Всенепорочная Невёста Творцú, / яко Неискусомужная Мати, / приятелище Избавителя и Утешителя, / потщися избавити мя бесовскаго злодейства, / преложивши скверное тёло моё в светлое жилище добродетелей, / разжені облак страстей моих Твоими молитвами / и сподоби мя Вышняго причáстия в Невечёрнем Свете.

На стихóвне стихиры, глас 1.

Подобен: Небесных чинóв:

Небесныя круги превозлетёв Божественною добродетелию, / преблаженне óтче, / зашёл еси во мрак, идеже, осияние приим от благодати Божия, / войстинну светлеешия, преподобне.

Стих: Честна пред Господем / смерть преподобных Его.

Добродетельми просветив дúшу и ум, / к Небеси преставился еси в Царствии Христе, Иоаннікіе блаженне, / принося Ему рукоятія трудов своих, / в постницах бо ты явися светильник, / наслажда́яся нестарёемя пи́щи.

Стих: Блажен муж, бойся Господа, / в заповедех Его восхо́щет зело́.

Преподобне óтче, / не дал еси сна очима своим, / ниже веждама своим дреманія, / дондеже дúшу и тёло от страстей свободил еси, / уготовав себе в жилище Духови. / Пришед бо, Христос со

Отцём / обитель сотвори у тебе, / темже Единосущ-
 нья Троицы служитель был еси, / великопроповед-
 ниче Иоанникие, / молися о душах наших.

Слава, глас 2:

На земли Ангела и на Небесех человека Божия, /
 благоукрашение мира, наслаждение благих, /
 добродетелей постнических похвалу, Иоанникия
 почтим: / насажден бо в дому Божии, процвете
 праведно / и, яко кедр в пустыни, / умножи стадо
 Христово словесными овцами / в преподобии и
 правде.

И ныне, Богородичен.

На благословении хлебов, тропарь святому,
 дважды, и Богородице Дево: единожды. Прочая до
 конца по ряду.

Тропарь святого, глас 1:

Пощением, молитвами и благодатию Божэ-
 ственною просветився, / земныя концы светло
 озаряеши благочестно, / чудес благодать от Бога
 прием, / исцеляеши недуги, духи же лукавыя от
 человеков отгоняеши, / иже с верою притекают к
 раце мощей твоих святых, / преподобне отче наш
 Иоанникие. / Слава Давшему ти благодать, / слава
 Укрепившему тя, / слава Действующему тобою
 всем исцеления.

НА УТРЕНИ

По 1-м стихословии седален, глас 8.

Подобен: Премудрости:

Многосветлая звезда иночествующим показав-
 ся, / и степень известен, и предел воздержания, /
 пресветлое зеркало разсуждения, преподобне, /
 Божови предстою, проси прощения прегрешениям /
 радостно совершающих твою память, пребла-
 женне.

Слава, и ныне:

Настави нас на путь покаяния, уклоняющийся
 присно к злым безпутиям / и преблагаго прогнева-
 ющая Господа, / и моли, Неискусобрачная Благо-
 словенная Марие, спастися всем, чающим утешения.

По 2-м стихословии седален, глас 8.

Подобен: Премудрости:

Божественным желанием безсмертия одержим,
отче Иоанникие, / и крест на рамо взем, / в
пустынях вселился еси, / идеже Господеву
усердно поработа, / темже ты и стяжашом тепла
молитвенника ко Господу.

Слава, и ныне:

Божественное селение была еси Словоу, едина
Всечыстая Дево, / чистотою Ангелы превозшед-
шая, / очисти мя, оскверненна плотскими прегре-
шенными, молитвами Твоими.

По полиелеи, седален, глас 4.

Подобен: Удивися Иосиф:

На земли Ангела и на Небесех человека Божия, /
мира благоуукрашение, наслаждение благих, / по-
стнических добродетелей похвалу, / Иоанникия
вси почтим: / насажден бо в дому Божии, процвете
праведно / и, яко кедр в пустыни, умножи стадо
словесное Христовых овец в преподобии и прав-
де, / емуже вси воскликнем: / милостиве, поминай
нас, преподобне, / любовь твою творящих святую
память твою.

Слава, и ныне, Богородичен:

Удивися Иосиф, еже паче естества зря и внима-
ше мыслию, / иже на руну дождь, в безсеменном
зачатии Твоем, Богородице, / купину, огнем неопал-
имую, жезл Ааронов прозябший, / и, свидетель-
ствуя, обручник Твой и хранитель священником
взываше: / Дева раждает и по рождестве паки
Девою пребывает.

Таже 1-й антифон, 4-го гласа. Прокимен, глас 4:
Честна пред Господом / смерть преподобных Его.
Стих: Что воздам Господеву о всех, яже воздаде
ми. **Всякое дыхание: Евангелие от Матфея,**
зачало 43.

По 50-м псалме стихира самогласна, глас 6:

Гора Небеси подобяшеся, / приемлющи светиль-
ник, в пустыни горящ, / отца Иоанникия. / Ты же,
преподобне отче, / Святым Духом, яко орел, преле-
тев горы и вертепы Девическия, / о краснодушне, /

просвещáеши вёрныя, / притека́ющия к ра́це мо-
щей твоих / и с весéлием взыва́ющия ти: / моли́ся с
Богородицею о спасéнии душ на́ших.

Канон Введéнию Пресвяты́я Богородицы, глас 4:
Премудрости, Пречистая, Ты сокровище вéмы:
поется зде, понéже создá святы́й Иоанни́кий
церковь в честь Введения Пресвяты́я Богородицы,
укра́сив ю благоле́пно, идеже и мо́щи его положé-
ны. И канон преподо́бному Иоанни́кию на 8,
глас 2.

Песнь 1

Ирмос: Во глубинé постла́ иногда / фараонит-
ское всево́инство преоружéнная сýла, / воплощ-
шееся же Сло́во всезлóбный грех потреби́ло есть: /
препросла́вленный Господь сла́вно бо просла́-
вися.

Присносущным Светом Триипостáснаго ны́не
озаря́емь, / предстои́ши весь светел, я́коже Ánge-
ли, / но молю́ тя, óтче Иоанни́кие: / отженí от
сёрдца моего́ омрачéние, / препода́я свет жити́я
твоего́.

Желáние Христовы красоты́ стяжав, / затвори́л
еси чýства сво́я от всего́ тлénнаго и
мимотеку́щаго / и подвигами души́ свое́я возше́л
еси на высотú, блаженне.

Вели́кое смотре́ние Бóжие освяти́ ты от утрóбы /
и показá ты сосúд приятен Свято́му Дýху, / тёмже
яви́лся еси от юности огражда́емь страхом
Бóжиим.

От Небес приём обильно даровáние Дýха Пре-
свята́го, óтче Иоанни́кие, / да́руй ми сло́во во
отверзéние уст мо́их, / да воспою́ равноáнгельское
жити́е твое.

Любóвию Влады́чнею разжéгся, оста́вил еси вся
земна́я / и, восприя́в крест свой на ра́мо, Тому́
последовал еси, / просла́влься зна́меньями и чуде-
сы, преподо́бне.

Богородичен: Словеса́ Гаври́ла Архистрати́га
слы́шавши, Непоро́чная, / и, нашéдшу на Тя Дýху
Свято́му, зачéнши, родила́ еси Сы́на, / Отцý Собез-
нача́льна.

Песнь 3

Ирмос: *На ка́мени мя ве́ры утверди́в, / разшири́л еси́ уста́ моя́ на враги́ моя́, / возвесели́ бо ся дух мой, вегда́ пе́ти: / несть свят, якоже Бог наш, / и несть пра́веден, паче Тебе, Го́споди.*

Ви́девши бо́дренная душа́ твоя́ разу́мныма очима́, яко вся сýетна суть, / отве́ргл еси́ всю мирску́ю красоту́ / и, разда́в имение свое́ ни́щим, стяжа́л еси́ некра́домое.

Боже́ственных послу́шав за́поведей, / в молча́нии пребы́л еси́ чрез все жити́е свое́ / и, быв в поноше́ние во оте́чествии свое́м, / пита́лся еси́ жела́нием и́стинныя сла́вы.

Отврати́л еси́ плещи́ своя́ от мирски́я красоты́ / и возве́л еси́ о́чи свои́ на го́ру, ча́я оттúду Боже́ственныя по́мощи. / Те́мже от горы́ святы́я услы́ша тебé Госпо́дь / и Своими́ просла́ви чудесы́.

Кре́пкую с высоты́ по́мощь и озаре́ние разу́ма получи́в, / пожи́л еси́ на земли́ равноа́нгельски, / те́мже был еси́ исто́чник чудес, о́тче Иоанни́кие.

Я́ко дре́во, о́тче, насажде́нное при исхо́дищих вод, / процве́л еси́ Боже́ственными добродете́лями, яко кедр в Лива́не, / те́мже осеня́еши недужны́я.

Седáлен, глас 8.

Подобен: Премúдрости:

Мона́хов све́рстник яви́лся еси́, му́дре, / подобник быв Анто́нию в последок лет, блаже́нне, / просвеща́я ве́рныя светлостию́ чудес, преподо́бне. / Те́мже, собра́вшись в па́мь твою́, вси ве́рнии, / про́сим благода́ти ко исцелению́ страсте́й на́ших и вопие́м ти: / моли́ Христа́ Бо́га грехов оставле́ние дарова́ти / чтúщим любóвию святу́ю па́мь твою́.

Сла́ва, и ны́не, Богоро́дичен.

Ра́дуйся, я́же А́нгелом ра́дость ми́ра прие́мшая. / Ра́дуйся, ро́ждшая Творца́ Твоего́ и Го́спода. / Ра́дуйся, сподо́бльшаяся бы́ти Ма́ти Бо́жия.

Песнь 4

Ирмос: *Прише́л еси́ от Де́вы не ходата́й, ни А́нгел, / но Сам, Го́споди, вопло́щся, / и спасл еси́*

всего мя, челове́ка. / Тем зову́ Ти: сла́ва си́ле Твоей, Го́споди.

Воззва́л ты е́сть Го́сподь от Сио́на, я́коже дрéвле прао́тца Авраа́ма, / повеле́в ти изы́ти от земли́ оте́чествия. / Ты же послéдовал еси́ Того́ словеси́, о́тче Иоанни́кие, со усéрдием.

Свети́льник нога́ма твоима́ зако́н благода́ти, / и, сегó за́кона приде́ржа́всья, / вел еси́ тво́я исправле́ния, / те́мже и проси́ял еси́, о́тче, я́ко в полу́дни.

Оде́жда плóти твое́я ри́за ко́жна, / в ню́ же облéксья, умертви́л еси́, о́тче, стра́стная взыгра́ния, / те́мже и истни́л еси́ дебелъство ко́жное.

Умертви́л еси́ по́хоть плотску́ю, быв ча́до Бо́га на́шего, / не роди́всья от по́хоти плотски́я, но сын́ быв благода́тию. / Те́мже и при́ял еси́ жре́бий оте́ческий в ве́чном Ца́рстве.

Ра́зум и ум свой украси́л еси́ от ю́ности, стяжа́в ста́рость Соломо́нову; / о́баче всю сладостра́стную пи́щу отме́тал еси́, / потща́всья стяжа́ти нестарéющую пи́щу трудо́м / и болéзнями́ свои́х по́двигов, блаже́нне.

Богоро́дичен: Написа́сья персто́м Бо́жие Сло́во в Тебе́, Препéтая, Безнача́льное, / я́коже в глави́зне кни́жне. / Те́мже, припа́дая Ти, молю́ Тя: / до́лгое рукописа́ние мно́гих мои́х страсте́й изгла́ди из кни́ги живóтныя.

Песнь 5

Ирмо́с: *Хода́тай Бо́гу и челове́ком был еси́, Христе́ Бо́же: / Тобо́ю бо, Влады́ко, к Светонача́льнику́ Отцу́ Твоему́, / от но́щи неведе́ния / приведе́ние ймамы.*

Собла́зн готовля́ет тебе́ диа́вол, полага́я преты́кания́ души́ твое́й, / и посла́ разбо́йники отгна́ти тя от ма́лыя хра́мины. / Ты же, преблаже́нне о́тче, я́ко за Христа́ гони́м, ра́доваше́сья.

Завещáл еси́ души́ свое́й по гора́м превита́ти, / я́ко птенéц го́рличищ, о́тче Иоанни́кие, / и ту научи́лсья еси́ ви́дети Бо́га.

Научéн за́коном Христо́вым не пещи́сья о пи́щи и о оде́жди, / испо́лнил еси́ де́лание пти́ц небéсных, / те́мже, всели́всья в дупленно́ дре́во, / в мно́гия дни пребы́л еси́ без кро́ва и пи́щи.

Напоил еси зѣмлю души твоея слезами, блаженне, / темже и ненасѣянная земля препита тя, / даючи телу твоему малое утешение.

Не дал еси сна своим очима, преподобне, / ниже веждама своим дремания, / дондеже плотская уставил еси стремления, / и к Свету зайде незаходимому, Владыку всех воспевая.

Богородичен: Ручку златую, и свѣщник, Девѣце, / и трапѣзу древле прообразоваху неложно пророческая проречения, / бывающая по Божию смотрению, / во еже бы Ты была Богородительница Рождеством Своим.

Песнь 6

Ирмос, глас 8: Очисти мя, Спасе, / многа бо беззакония моя, / и из глубины зол возведи, молюся, / к Тебе бо возопих, и услыши мя, / Боже спасения моего.

Пути мысленнаго лукавства избѣгл еси воздержанием и молитвою, любовь же и истиною. / Темже крепким желанием и истинным смирением восход ко Христу стяжал еси, отче.

Не дал еси сна своим очесам, / дондеже показася дом Святыя Троицы и Премудрости сокровище. /

Мир обогащая Божественными исцеленьми, / благоговением же к Творцу явственне приближився к великому Свету, / соделался еси земный Ангел и Небесный человек.

Богородичен: Маріе Пресвятая, / чистое девства сокровище, / очисти ум мой, страстию омраченный, / и исполни сердце мое Божественною благодатию, Всенепорочная.

Кондак, глас 8.

Подобен: Вбранной Воеводе:

От юности, Богомудре, возлюбив ангельское житие, / вся красная оставил еси, / зайде бо, якоже звезда от мира, / востек к разумному и праведному солнцу, Христу, / от Него же приемь благодать исцеления, / различные недуги врачуеши притекающих к священной раце твоей. / Темже и мы, совершающе любовь всечестную твою память, вопием ти: / радуйся, отче Иоанникие.

Икос:

Христóв услышав глас, преподóбне, / шéствовал еси вслед заповедей Егó, наг жителъ быв, / занé отречеса попечéния о стяжáнии, / пáче же отвёржеса прísных и срóдных сво́их, / ед́ин в пустыни бесéдуя с Бóгом, / с Нíмже соединя́ся бдéнием, постóм и молитвами, рáзума даровáние восприя́л еси. / Той же дар и нам ниспосл́и, пою́щим ти си́це: / раду́йся, óтче Иоанн́икие.

Песнь 7

Ирмо́с: *Богóпротíвное велéние беззакóннующаго мучítеля / высóк пла́мень вознесло́ есть, / Христóс же прострé Богочестíвым отроко́м рóсу духо́вную, / Сый благословéн и препрослáвлен.*

Взя́лся еси к высотé безстра́стия, / уподóбився Ангелом, в плóти сый, / и, быв причáстник присносущней пíщи, взывáл еси, блажéнне: / благословéн еси́, Бóже отéц нáших.

Сия́я лучáми Боговídными, / разгнáл еси бесóвския нахóды / и вёрныя от озлоблéний мнóгих избáвил еси́, вопию́щих, преподóбне: / благословéн еси, Бóже отéц нáших.

Святýя свéтлости, и жízни безконéчныя, / и радóсти неизречéнныя, и Цáрствия Небéснаго сподóбився, всеблажéнне, / посыла́еши освящéние и избавлéние всем, véрою взывáющим: / благословéн еси, Гóсподи, Бóже отéц нáших.

Богорóдичен: *Се Дéва, Юже Дúхом пров́иде Исáия, / зачéнши, родí Спáса и Избáвителя нам, пою́щим: / благословéн еси́, Гóсподи, Бóже отéц нáших.*

Песнь 8

Ирмо́с: *Пещь* иногда́ óгненная в Вавилóне дéйства разделя́ше, / Бóжиим велéнием халдéи опаля́ющая, / вёрныя же ороша́ющая, пою́щая: / благословíte, вся делá Гóсподня, Гóспода.

Недремáнну душéвную свещу́ мáслом пóдвигов тво́их сохрани́в, / радóстно вшел еси к нетлéнному Женихú, / идéже вéчно живéши, вопия́: / вся делá, благословíte, пойте Гóспода.

Окормлѣнием Святаго Духа преплыв море искушений немокренно, преподобне, / достигл еси тишину Царствия Небеснаго, / потопив невидимыя враги слезными струями, / отонудуже источаеши цельбы приходящим и вопиющим: / благословите, вся дела Господня, Господа.

Ныне дерзновение имея, яко Богу предстою / и злокозненные бесы победив, / сотвори молитву о нас ко Господу, / яко да избавимся соблазнов диавольских и вечных избудем мук, верою зовущее: / благословите, вся дела Господня, Господа.

Богородичен: Умерщвленную душу мою оживи, / падшую возстави, уязвленную исцели, / ум мой умири, волнения искушений, Дево, укроти и спаси вопиющия: / благословите, дела Господня, Господа.

Песнь 9

Ирмос: *Безначальна Родителя Сын, Бог и Господь, / воплощся от Девы, нам явися, / омраченная просветити, обрати расточенная. / Тем Всепетую Богородицу величаем.*

Христови соцарствовать вину сподобился еси на Небесех, равноангельное житие на земли пожив, / молися Творцу и Владыце со дерзновением о всех, / верою совершающих всечестную память твою.

В земли положенныя твоя священныя мочи освящаются, стяжавши Божественную благодать, / еюже точат исцеления, страсти душевныя исцеляют / и от вредоносных язв бесовских свободяют.

Божественными добротами, отче, обложен, / святым житием обожился еси / и, просвещен, предстою великому Свету, / поминай приближающихся тебе, чтущих тя верно / и память твою верно совершающих.

Богородичен: *Пречистая Богородице, / яже Бога несказанно зачениши и рождши плотию на спасение всему миру, / Того моли, Преблагая, умирить мир и спасти души наша.*

Светилен:

Добродѣтели крилома на Небеса́ възлетѣв, /
приблѣжився же Трисолнечному Свѣту, / со Ангелы
воспева́еши Трисвятую́ песнь, / с нимиже всех
нас помина́й, почита́ющихъ пáмьять твою́.

Богорóдичен:

Ю́же дрéвле проповѣдаша прорóчески лица, /
апóстоли научи́ша, Дѣву по рождествѣ, / мученицы
исповѣдаша и́стинную Богорóдицу, / Туюжде и мы
согласно воспойм и велича́ем яко Мáтерь Бóжию /
и с Гаври́илом зовѣм к Ней: / ра́дуйся, Мáти
Госпóдня, христиáном Засту́пнице.

На хвалíteх стихíры на 4, глас 1.

Подобен: Небесных чинóв:

Презирáтель дóльных и пресельник, / рачíteль
Вьшних и пусты́нный граждани́н, Иоанни́кий
Богомúдрый / всем нам прáздновати повелева́ет /
э́же к Бóгу отшѣствие егó, / тѣмже и творимъ сие,
научáемии от Дúха Свята́го.

Мир добродѣтелей быв во плóти, óтче Богомúд-
ре, / жити́ем своимъ на землѣ прослáвил еси́ Гóспо-
да сла́вы, / И́же ты по достоя́нию прослáви, / еси́ бо
истóчник целѣбный сýлюю Егó, / Иоанни́кие пре-
подóбне.

Вѣдяще ты смире́нна, незлóбива, / крóтка, про-
ста, молчали́ва, / прославля́ем яко войстинну пáче
человѣка, óтче, / яко невестчественна, яко храм
Бóжий, / от Него́же прибыв́шая ти даровáния
мíлостивно подава́й нам.

Сла́ва, глас 6:

Преподóбне óтче, / во всю зéмлю изы́де вещáние
исправлénий твоихъ, / тѣмже на Небесí обрél еси́
полкí / и а́нгельския достíгл еси́ чíны, / ихже
жити́ю непорóчно поревновáв, / имаши дерзнове́-
ние молíтися Влады́ще, / мир испросí душáм
на́шим.

И ны́не, Богорóдичен:

Богорóдице, Ты еси́ лозá и́стинная, / возрасти́в-
шая нам Плод животá, / Тебѣ мо́лимся: / моли́ся,
Влады́чице, со святы́ми апóстолаы / помíловатися
душáм на́шим.

Таже славословіе великое и отпу́ст. НА ЛИТУРГИИ

Блаженны от канона святому, песни 3-я и 6-я. Прокимен, глас 7: Восхвалятся преподобнии во славе / и возрадуются на лбжах своих. Апостол ко Евреем, зачало 235. Аллилуия, глас 2: Священницы Твой облекутся в правду, / и преподобнии Твои возрадуются. Евангелие от Луки, зачало 24. Прича́стен: В память вѣчную:

Преподобный Иоанникий Девический подвизался в первой половине XV века. Святой был родом из Черногорского приморья. С юности избрал он путь монашеского подвига, рано покинул отчий дом и поселился в пещере на берегу реки Ибар, где, по преданию, в XIV веке жил другой сербский пустынный — преподобный Петр Коришский. Вскоре сюда, в место, называемое Черная Река, стали приходить иноки, до которых дошла молва о благочестивом отшельнике. Они оставались здесь с благословения преподобного, подражая его строгой и богоугодной жизни. Послушание святому Иоанникию они считали великим благом. Со временем, когда братия стала многочисленной, преподобный Иоанникий и его сподвижники воздвигли храм.

В обитель стекалось всё больше людей. Слава святого Иоанникия росла. Это тяготило пустытника. Предав своих духовных чад воле Божией, он удалился в пустынный Девический

лес. Жил святой по слову Спасителя, подобно птице, не заботясь о пище и месте для ночлега. Многие дни проводил в дупле дерева. Слезной молитвой побеждал посылаемые искушения.

Святой получил от Бога власть над демонами и чудесный дар врачевания недугов. Когда весть о пустыльнике достигла княжеского двора, деспот Георгий Бранкович (1427—1459) отправился к нему с просьбой исцелить больную дочь. Молитвами святого Иоанникия Господь избавил ее от болезни, и тогда благодарный властитель воздвиг в Девиче храм в честь Введения Пресвятой Богородицы. Впоследствии там был основан монастырь.

Преподобный Иоанникий отошел ко Господу 2 декабря 1430 года. Его святые мощи покоятся в Девиче и славятся чудотворениями. В Сербии особенно чтут преподобного Иоанникия как целителя душевных болезней.



В
ТОЙЖЕ
ДЕНЬ

Святѣя великомученицы Миропіи Творение Никифора, иеромонаха из Хиоса

НА ВЕЛИЦЕЙ ВЕЧЕРНИ

Блажен муж: На Господи, возвах: поставим стихов 6 и поем прежде пророку Аввакуму.

Таже святой, глас 1.

Подобен: Всехвальнии мученицы:

Яко миро, принесё ко Христу́ дѣвство без поро́ка / и пот тружда́ний своих, Божѣственно поживши, / пречестна́я Миропіе, / такоже и кровь

свою и дѹшу непорѹчну, / тѣмже славы ты сподѹби / с праведник и мѹченик чїнми.

Ты спасѣна еси поистине, / Миропїе всехвальной, / по образу, неврежденну Божественными дѣлы, / и Бѹгу подражательно, / по подобію показá добродѣтели явлѣние, / такоже и крѹвию мѹченическою обагри одѣжду свою / и ко Христу притекла еси.

Страсти видящи славныя Исїдора, / потщася им, Миропїе, подражати, / тѣмже, тѣло его взявши, / прия желанное, пострадавши свѣтло, дѣво, / и в червленых одѣждах от крѹви своей вошла еси, / таковая невѣста, к Христу, Жениху своему.

В благоуханіи міра своего, Христѣ, / потѣкши, Миропїя пречѹдная / смрадныя страсти плѹти воздержаніем трезвї и молїтвою умертвї, / слезами дѹшу очїстивши, / на поприще изгна страсть, / и, своею крѹвию обагрившися, / невѣсто красная, дѣвством и мѹченичеством украшенная, / к Нетлѣнному и Безсмертному Жениху притечѣ, / и, у Того, Начальника жїзни, двойным венцем увенчавшися, / испросїла еси по дерзновенію за ны велию милость.

И ныне, Богородичен.

Вход. Свѣте тихий: прокїмен и паремий:

1-я: Тако глаголет Господь: вси язѹцы собрашася вкупе: (*зри страницы 451—452*).

2-я: Праведных дѹши в руцѣ Бѹжией: (*зри страницу 452*).

3-я: Праведник, аще постигнет скончатися, в покои бѹдет: (*зри страницы 152—153*).

На литїи стихїры, глас 1:

Постом тѣло, Миропїе, истоцївши / и дѹшу добродѣтель крѣпостию укрепївши, / вшѣдши на мѹченик поприще / и мѹжески подвїзавшися, / мучїтелей разруши гѹрдость благодерзновеніем словес твоих, / и, Христа Бѹга всем проповѣдавши, / смерть, безсмертию подобну, поя за Него, / Емуже непрестанно молящися за дѹши наша.

Слава, глас 5:

Непорѹчно поживши и страстотѣрпчески, Миропїе всехвальная, / достойно прия у Бѹга нетлѣ-

ния венѣц, / и ныне с мученики Божественному Престолу предстоящи, / и от века со избранными зрящи, / и тамо славы исполняющися, / помяни и ны, яже в вере и любви совершающия / присночестную память твою.

И ныне, Богородичен:

Блажим Тя, Богородице Дево, / и славим Тя, вернии, по долгу, / град непоколебимый, стену неборимую, / твердую Предстательницу / и Прибежище душ наших.

На стиховне стихиры, глас 2.

Подобен: Егда от Древа:

Миро взявши благочестия, / верным ты дайше независтно, всечестная, / от Божественнаго гроба Ермионии иногда, / и от него имя получи — Миропия, / но и кровь твою, мира алавастр, / Господу принесё честным мученичеством, / мученице страстотерпице, Жениху своему.

Стих: Терпя, потерпех Господа, и внят ми, / и услыша молитву мою.

Ты очисти себе дела Божественными / и деянии от всея плоти скверны, / и духу, всечестная, присно прилежа премудростию, / и, приведши все своё желание на Небо от земли, / тем и жития временное ты отвергла еси вельми, Миропие, / но смерть избволиши вольную.

Стих: Постави на камени ноге мой / и исправи стопы моя.

Тело Исидора честное ты утай, Миропие, / взявши от страж, и, любовью умастивши, погребё, / ищущим же отынуду глагола абие, / тем, яко винная, посрамленная судиею, / приведена бысть и обличьи словесы дерзновенными, Богомудрая, / окаянствие и безчестие.

Слава, глас 3:

Благою мудростию и неустрашимым сердцем / предстоявши мучителю, / таковая отвещая, не радючи и плеваючи, / яко сотворили есть сие окаянствие и безбожствие, / сего ради биена бысть непощадно дреколием / и по всему граду влекома бысть, веселящися крепкодушне, / хотяше на Небесех блаженство, / егоже и получивши и насла-

дѣвша уже, / помяни и ны, яже с любовію
страсти воспевajúщія твоя.

И ныне, Богородичен.

Тропáрь, глас 1:

Добромúченице Миропіе и Христá невесто
нетлénная, / ныне Емуже предстоиши, пре-
красная, / раны носящи плóти, / яко камни свѣтлы и
светообразны, / и в кровавую порфіру, яко царі-
ца, облечénная, преслáвная, / умоли Его за ны, /
яже с любовію восхваляjúщія / хвалы побѣдными
и пѣснями твою Божѣственную страсть.

НА УТРЕНИ

По 1-м стихослóвию седáлен, глас 3:

Прекрасну дѣву Миропію и добромúченицу /
восхвалим, избранную невесту Христá, Нетлénна-
го Женихá, / юже прия в чертóзех Небѣсных / и
ликостоянием введѣ держáвшую дѣвства свѣтлую
лампаду в чертóg нетлénный.

Слава, и ныне, Богородичен:

Красотѣ дѣвства Твоегó / и пресвѣтлой чистотѣ
Твоей Гавриил удивѣлся, вопіяше Ти, Богороди-
це: / кúю Ти похвалу принесу достóйную? / чтó же
возыменую Тя? / недоумеваю и ужасаюся. / Тѣмже,
яко повелѣн бых, вопію Ти: / радуйся, Благодáт-
ная.

По 2-м стихослóвию седáлен, глас 1.

Подóбен: Гроб Твой:

Дѣвица избранная, нетлénная отроковица, / дѣва
истинная и непорóчная невеста, Миропія все-
хвальная, / добродѣтелями светлѣйшая и страстѣй
украшénная многоразлично Божѣственными ра-
нами, / к Царю всех, Христú, притеклá есть.

Слáва, и ныне, Богородичен:

Маріе, честное Владыки пріятелище, / воскре-
си ны, падшия в прѣпасть лютаго отчáянія, и
прегрешénий, и скорбѣй. / Ты бо еси грѣшным
спасѣние, и пóмощь, и крѣпкое предстáтельство / и
спасáеши рабы Твоя.

По полиелее седален, глас 4.

Подобен: Вознесыйся:

Нестерпимыя раны, яже претерпела еси, и главы болѣзни, / влачима бо бысть по граду за власы безмилостивно, Миропіе, / сему радующися, пренесла еси, славная, темницу и смерть, / Христу в молитве за ны предстательствуй.

Слава, и ныне, Богородичен:

Тя заступление вси имама, грешнии, о Пречистая Дѣво, / Ты благоувѣтлива нам сотвори Сына Твоего матерними Твоими молитвами.

Степенна 1-й антифон 4-го гласа. Прокимен, глас 4: Терпя, потерпѣх Господа: **Стих:** И постави на камени нозы мои: **Евангелие от Марка, зачало 21.**

Канон, глас 1.

Песнь 1

Ирмос: Песнь побѣдную поим вси Богу, / сотворшему дивная чудеса мышцею высокою / и спасшему Израиля, / яко прославися.

Смраден и мерзок аз сый, Миропіе именитая, / чистую и непорочную тя, благоухание Христово, прославляти дерзаю, / но ты мя прости.

Возлюбленными пѣснями твою воспевати страсть, подвиги / благодать мне от высот святых ниспосли / твоими молитвами, благодатная.

Хранящи непорочность по образу Божию и подобию, / от отрочества сподобися общница страстем Христовым стати, славная.

Богородичен: Свет носившая во чреве, Избавителя моего, / тьмы мя избави и мук, Пречистая, вечных, / тако, спасенный, воспою величество Твое.

Песнь 3

Ирмос: Да утвердится сердце мое в воли Твоей, Христе Боже, / Иже над водами небо утверждѣй второе / и основавый на водах землю, Всесильне.

К Божественному гробу приступивши Ермиѳии, Миропіе честная, / источи от него Божественное миро / и от того имя взя, еже суще именитое.

Гонению одержавшу всю Асию, / ты, нуждена бывши немилостиво оставить Ефес, / матерне отечество обрела еси, Хиос, прибежище.

Молитве присно прилежащи воздержанием, / и трезвением велемудрым омрачение страстей умертви, / и Христу бысть миро жития чиста.

Божественною любовью и рачительством, о страстотерпице Миропие честная, / погуби страх и останки Исидора исхити.

Богородичен: Бесплоднаго помышления моего бесплодие всячески изгони / и плодovitое добродетельми души моей яви, / Всесвятая Богородице, верных Помощнице.

Седален, глас 4.

Подобен: Явился еси днесь:

Ран язвами украшенная и кровию своею очервленная, / разумно в славе предстала еси Божественному Христу Престолу, / Миропие славная.

Слава, и ныне, Богородичен:

Радуйся, Престолу огненный Царя и Светильниче златой Света Божияго, / души и помышления освещаючи воспевающих Тя, Дево Всепетая.

Песнь 4

Ирмос: Духом провидя, пророче Аввакуме, Словесе воплощение, / проповедал еси, вопия: / **внегда приблизится лето — познаешься, / внегда прийти времени — покажешься. / Слава силе Твоей, Господи.**

Велие твое деяние и zelo дивное: / како, посреде страж достигнувши тела, / взяла еси сие, Миропие крепкодушная, / и не знаша бывшее хранящи.

В любви пребывши, Миропие чудная, / Божественное тело прия руками, / песнями благословий, прослави Божий дар, Исидора тело, / и, с верою обнимаючи сие, умасти.

Погроби с честью тело честное, радовашеся, / яко имущи Божественное сокровище, / но, уведавши искание мучителя, хотящаго изнурити тя, / вещала еси испытующим, не убоявшись смерти.

Богорóдичен: Дéво Пресвятáя, / Неосквернённая Скинне, / осквернённа грехи́ очисти мя ны́не / щедрóт Твои́х кáплями чистейшими / и даждь ми рúку пóмощи, / да воспóю сла́ву Тебé, Чистая, Благословéнная.

Песнь 5

Ирмóс: Твой мир даждь нам, / Сы́не Бóжий: / ино́го бо, рáзве Тебé, бóга не знаем, / Имя Твое именúем, / яко Бог живы́х и мёртвых еси.

Мúжеским смýслом, благою душéю стáла еси, Миропíе всечúдная, / пред мучителем гóрдым и реклá еси, / я́ко тéло хотя́щи укра́сти.

О, чудесé, кáко не устрáшися вельми́ гóрдаго и безмíлостиваго мучителя, / и посрамлénия, и лúтости, и я́рости, чúдная Миропíе, / но избрáла еси благодерзновéние.

Кáко дерзну́вшая решти́ о злых, / глаго́лала еси мúжески о окаянствии и бесчéстии, Миропíе, / твоими́ словесы́ дерзновénия.

Богорóдичен: Умоли, Егóже родилá еси, Дéво, / спасти́ véрою Тебé вопию́щих: / рáдуйся, Дéво Всеблажéнная, / рáдуйся, Благословéнная, всемú мíру заступлénие.

Песнь 6

Ирмóс: Прорóка Ио́ну подражáя, вопию́: / живóт мой, Бла́же, свободи́ из тли / и спаси́ мя, Спасе мíра, зовúща: сла́ва Тебé.

Дерзновéние твоé мно́гое / преступи́ поистине и превзы́де всяческа́я словесы́ хитрыми, Миропíе достохвáльная.

Кáко возмоглá еси́ изглаго́лати и проповéдати мно́го / и извещáти чúдно любóвь твою́ ко Христу́, всехвáльная, / еяже рáди смерть приявши.

Хра́брость, Миропíе достохвáльная, души́ твоёя, / словеса́ мно́зи, дерзновéние лука́вое разруши́, / мучителя, мученице, уничижи́.

Богородичен: Благоволéнием Отца́ воплоти́ся Сын Дúхом Бóжиим во чрэве Твоём, Чистая, / спаси́ нас, Бóга Рóждшая.

Конда́к, глас 3.

Подобен: Де́ва днесь:

По имени, о страстотерпице Миропие, / миро источаеши благодати чудес / и пасеши всех, подобающих и взыскающих / и верою и добродетелию прибегающих к раце твоей пречестней, / яже держит прах твой.

Икос:

Яко невеста Христу жития ради чистейшая / и страсти ради светлейшая, прекрасное Миропие достославная, / чудес благодать источаеши, яко миро, / и пасеши всех, с верою и любовью к пречестней раце твоей приходящих, / пребывает бо в ней Святого Духа благодать, / яко держит священный прах твой.

Песнь 7

Ирмос: Пещь, Спасе, орошашеся, / отроцы же, ликующе, пояху: / отцев Боже, благословен еси.

Повелевшу дрекольми мучити посрамлену мучителю тело твое, / прии горькия и болезненные раны.

Тело твое язвами похвалися, / струями крови порадовася, / но любовь Христовою претерпела еси вся мужески.

Кровию очерви одежду девическу, всехвальная, / и невестою приведеса ко Христу, Царю всего мира.

Богородичен: Тя ведаю, Богоневесто, Солнце Славы рождшую, / просветившее ночь моих согрешений.

Песнь 8

Ирмос: Егоже ужасаются Ангели и вся воинства, / яко Творца и Господа, / пойте, священницы, прославите, отроцы, / благословите, людие, / и превозносите во вся веки.

Посрамила еси ум зверя лютаго, / повелевшаго тя на студ за власи влещи по граду.

Уязвивше тело твое немилостивно / и повлекше тя за власи, дево, / смерти близ оставиша Миропию в темнице.

Нощию молившуся тебе тёпле в темнице, / свет велий возсия, и Ангели светлии предсташа внезапно, / и возлюбленный Исидор рече: / мир тебе, Миропіе.

Богородичен: Воздвигше лежащаго мя в глубинѣ зол, / ныне борющих мя враг побори, / изыми от нечистых сластей душу, Чистая, / не остави, но ущедри и спаси.

Песнь 9

Ирмос: Светоносный облак, в оньже всех Владыка, / яко дождь с небесѣ на руно, сниде / и воплотися нас ради, / быв Человек, Безначальный, / величаем вси яко Матерь Бога нашего Чистую.

Светлейшую душу твою ангельстии лики купно с Исидором славным в мире взявше, / вознесоша ты на Небеса яко блаженну ко Христу Жениху, / Иже повелел сие девам в чертозе разумем.

Истиннаго нетления светлейшую лампаду имущи в руке и венец красен, / в багряную одежду тайную, окрашенную кровию твоєю, стратотерпице, / светло облеченная, царствуеши со Христом.

Язв болезни, и держание влас, / и вред главѣ, и крове пролитие, / и телесѣ всего священныя раны принесѣ ко Христу в молитве за вся, / чтущих ты верно.

Богородичен: Грехолюбец сый, в небрежении пребываю / и Судя, Чистая, безмезднаго страшуся, / на немже сохрани Твоими святыми молитвами, Богоневесто, / и ублажи неосужденну предстати.

Ексапостиларий.

Подобен: Небо звездами:

Претерпела еси мучения путь Богомудрый вельми горящею душею / и ныне вселилася на Небеса, в нетленные чертози, / дево мученице Миропіе.

Богородичен:

Сладость Ангел, скорбящих радость, / христиан предстательство, Дево, Мати Бога, / заступи нас, избави вечных мук.

На хвалітех стихіры, глас 4.

Подобен: Яко дбля:

Ко Христу́ Божественной любви́ / бодена б́вши, всепета́я, / раду́ющися, взы́де на по́прище мученическое, / и прия́ раны́ и я́звы, / и разруши́ враг гóрдость / и шата́ние прею́ твоёю, Миропі́е, / и венéц взя́ и честь, тво́их по́двиг досто́йну.

Всесвятóе тéло Исідора, всечудная, / мужески взя́вши и погрéбши, / и, я́ко обогативши́ся, / неосра́мленно, свéтлая, в страстéх вошла́ еси́ в ров стра́сти, / прекрасномученице Миропі́е, / Исідор же предста́ тебе́ в темни́це мёрзцей, / Божественный мир дарова́.

Соверша́ющих па́мять твою́ / и стра́сти хва́лящих / защити́, сохрани́ моли́твами тво́ими благоприятными́ ко Го́споду, / Миропі́е всехва́льная, прекрасномученица Христа́, / страстотéрпице непобедима́я и пресла́вная, / от вся́каго зла, напáстей, губи́тельства, / враг нашéствия изба́ви.

Сла́ва, глас 8:

Яко звезда́ приведе́ волхвы́, / несущия́ да́ры Тебе́, / Мысленному́ Пра́ведному́ Со́лнцу, Христе́ Бо́же, / ра́ди нас рождённому́, / та́ко и свет Божественнаго́ за́кона / де́ву Миропі́ю приведе́, / да́ры принéсшу: / лива́н — свéтлость де́вства, / ми́ро — добродéтели, / смі́рну — во́льную смерть / ко Вла́дыце, одесну́ю сидя́щему Отца́, / ея́же благоприятными́ моли́твами / и нас сподóби сохрани́ти спаси́тельныя Твоя́ за́поведи / и спаси́ нас, я́ко Благ и Человеколю́бец.

И ны́не, Богородичен.

НА ЛИТУРГИИ

Служба́ жена́м мученица́м.

Святая мученица Миропия пострадала за Христа около 251 года на острове Хиосе. Она родилась в городе Ефесе (Малая Азия) в начале III века и была воспитана в христианской семье. Святая получила имя Миропия, потому что отличалась сострадательностью к больным и лечила их миром от мощей святой мученицы Ермионии († ок. 117; память 4 сентября), дочери апостола Филиппа, и

других мучеников. После смерти отца святая Миропия с матерью, спасаясь от гонителя христиан императора Декия (249—251), переселилась в свое имение на острове Хиосе. Через некоторое время там был замучен доблестный христианин-воин Исидор (†251; память 14 мая). Тело его бросили на съедение зверям. Была приставлена стража, чтобы христиане не могли взять его и похоронить.

Но, когда воины заснули, дева Миропия смело взяла тело мученика Исидора и с молитвой предала его земле. Стражам угрожала смертная казнь. Узнав об этом, святая Миропия сжалилась над воинами и сама рассказала им о своем поступке. Приве-

денная на суд к жестокому правителю, она исповедала себя христианкой. После истязаний ее бросили в темницу. Ночью к ней явился в несказанном свете мученик Исидор в окружении святых Ангелов и принял душу святой Миропии.



В
ТОЙЖЕ
ДЕНЬ

Преподобнаго Афанасія затворника, в Дальних пещерах почивающаго

Тропарь, глас 7:

По имени своему за труды велия / и всегдашнее
зде умерщвление плоти в затворе / безсмерт-
ную ныне на Небеси / жизнь наследовавый, /
молим тя прилежно: / молися о нас, / яко да и мы
тойжде сподобимся получитьи.

Кондак, глас 1:

Ведыи мира сего суету быти тщетну, / отвратил-
ся еси ея, / не ктому самима очима, / но и всего
себе всеконечне, преподобне, отвратив, / затво-
рился еси в темней пещере, / в нейже в молитвах и
слезах многовременно потрудися / и обрет на
Небеси безконечную радость, / молися непрестан-
но за души наша.

**Преподобный Афанасий, за-
творник Печерский**, подвизался в
Дальних пещерах в XIII веке. Имя
его упоминается в 4-й песни общего
Канона преподобным отцам Дальних
пещер. В «Сказании о житиях свя-
тых, в пещере преподобного Феодосия
почивающих» говорится, что препо-
добному Афанасию в затворе не

нужна была свеча: его пещеру осве-
щала Небесная светлость.

Господь прославил подвижника
благодатным даром исцелений, кото-
рые православные христиане получа-
ют по молитвам преподобного Афана-
сия. Память святого совершается так-
же 28 августа и во 2-ю Неделю
Великого поста.

